

特別
64
231
5

婦人良方

五

門中武
卷 231
卷 5

○十六卷

產寶方第一

滑胎例身三

逐月安產身五

體玄子借地法第七

禁水法第九

催生靈符身十一

○十七卷

產難論第一

催生方論第三

將護孕婦第二

月空方位身四

推婦人行年身六

禁草法第八

入月預備藥物第十

楊子建十產論第二

交骨不開產門不開第四



郭稽中產難方論第五_八
產難生死訣第七_九
難產子死腹中方論第六_八

○十八卷

產後將護法第一_一
產後通用方第三_二
產後血暈方論第五_三
產後狂言譫語方論第七_六
產後調理法第二_一
胞衣不出方論第四_二
產後顛狂方論第六_五
產後不語方論第八_七

○十九卷

產後乍見鬼神方論第一_一
產後中風心驚馬方論第三_三
產後心神驚悸方論第二_一
產後中風恍惚方論第四_四

產後虛極生風方論第五_五
產後冒悶汗出方論第七_八
產後口噤腰背反張方論第九_十
產後四肢筋挛方論第十一_{十一}
產後虛寒不止方論第六_六
產後汗多變瘧方論第八_八
產後中風方論第十_十
產後瘕瘕方論第十二_{十二}
產後脚氣方論第十三_{十四}

○二十卷

產後遍身疼痛方論第一_一
產後惡露不絕方論第三_三
產後惡露上攻心痛方論第五_四
產後惡露腹痛方論第六_五
產後腰痛方論第二_二
產後惡露不下方論第四_四
產後小腹痛方論第八_七

產後寒疝腹痛方論才九_八 產後兩脇脹痛方論才十_八
產後積聚癥塊方論才十一_九 產後血瘕方論第十二_十
產後餘血奔心煩悶方論十三_{十一} 產後虛煩發熱方論才十四_{十一}

○二十一卷

產後口乾痞悶方論才一_一 產後血渴方論才二_二
產後乍寒乍熱方論才三_三 產後瘧疾方論才四_四
產後蓐勞方論才五_六 產後虛羸方論才六_七
產後風虛冷勞方論才七_八 產後腹脹嘔吐方論才八_八
產後嘔逆不食方論才九_九 產後霍亂方論才十_十

○二十二卷

產後寒熱方論才一_一 產後頭痛方論才二_二
產後咳嗽方論才三_三 產後喉中氣急喘促方論才四_四
產後口鼻黑鼻衄方論才五_五 產後咳噫方論才六_六
產後血崩方論才七_六 產後月水不調方論才八_七
產後月水不通方論才九_八 產後四肢浮腫方論才十_九
產後腹痛瀉利方論才十一_十 產後赤白痢方論第十二_{十一}

三刻大醫院補註婦人良方大全卷之十六



臨川 良甫陳自明 編輯

古吳 立齋薛 已 補註

書林 公仁余元長 重訂

坐月門

妊娠疾病既明須知
坐月避忌故以次之

○產賢方周頌序第一

頌聞至靈者人最重者命人皆知命之重而不知養命之方以致年
未衰邁疾病攻奪倉卒尋醫多致有誤况婦人病惟產難為急子母
命懸片時故產二三胎者臟腑未衰血氣未減疾病易治若產育過
多復自乳子血氣愈衰尤難治若產後血氣未復胃氣益傷諸症蜂

起此古人所以專著產乳方論余故徧採產寶等方兼拾晉氏之遺
作為論說粹為一編刊行于世以救危急云時丁巳歲秋八月吉日
周頴謹序

○將護孕婦論第二

凡妊娠至臨月當安神靜慮時常步履不可多睡飽食過飲酒醴雜
藥宜先貼產圖依位密鋪床帳預請老練穩婆備辦湯藥器物欲產
時不可多人喧鬧惶惶但用老婦二人扶行及凭物站立若見漿水
腰腹痛甚是胎離其經令產母仰臥令兒轉身頭向產門用藥催生
坐草若心煩用水調服白蜜一匙覺飢吃糜粥少許勿令飢傷恐乏
其力不可強服催藥早於坐草慎之

愚按前論當慎守之此先哲好生之德防患於未萌者也仁哉

○滑胎例第三

凡妊娠十月宜服滑胎湯藥

○滑胎枳殼散令胎瘦產易湖陽公主每產累日不下南山道人進
此方

商州枳殼二兩 炒

粉草一兩 炒

右為末每服二錢空心沸湯調日三服凡孕六七月宜服之溫隱
居加當歸廣木香各等分

易產兼治諸疾下氣寬膈

枳殼五兩 炒 甘草一兩 半

香附子三兩 炒 去毛

右為末每服二錢用白湯調服

○內補丸 治妊婦衝任脈虛補血安胎

熟地黄

二兩用生地酒拌蒸熟杵膏

當歸

一兩炒為末

右為末和九梧子大每服三四十九溫酒或滾湯下許學士云大率妊娠唯在抑陽助陰然胎前藥唯惡羣隊陰陽錯雜別生他病唯枳殼散所以抑陽四物湯所以助陰爾然枳殼散其味多寒若單服恐致胎寒腰痛更以內補丸佐之則陽不至強陰不致弱陰陽調和有益胎嗣此前人未嘗論及也

易產滑胎車前子為末或酒或飲服寸匙詩云芣苢能令婦人樂有子矣陸機注云治婦人產難愚詳孔子序詩云樂然則生易於生育即此謂也

○神寢丸

臨月服之神效

蕪州施少卿方蕪州徐大丞傳

通明乳香

半兩別研

枳殼

一兩炒

右為末煉蜜丸梧子大每服三十九空心溫酒下

○榆白皮散

治妊娠滑胎易生

榆白皮

甘草

各二兩

葵子

二兩

右為末每服五錢水煎

孕及九月將產猪肚一具煮爛徐徐自食盡易產

○保氣散

治寬氣進食瘦胎易產或居處失宜頓仆胎動若胎痛

胎漏兼服佛手散

見通用方

破仁

香附

四兩

山藥

二兩

枳殼

一兩

木香

四兩

粉草

一兩

益智

紫蘇葉

各半兩

右為末每服二錢白湯調下

○神寢丸枳殼散見前此三藥入月宜常服

○保產無憂散 治妊婦身居安逸口厭甘肥憂樂不常食物不節致胞胎肥厚根蒂堅牢入月服之則易生矣

當歸

川芎

白芍藥

枳殼炒

乳香

各三錢

木香

甘草

血餘

即髮灰以豬心
血和之各一錢半

右為末每三錢水煎日二服神効

○月空方位例第四

出太平聖惠方
外臺秘要同

正月

三月

五月

七月

九月

十一月

在丙壬

二月

四月

六月

八月

十月

十二月

在甲庚

○逐月安產藏衣忌向方位第五


凡安產藏衣方位並於臥閣內分布太平聖惠方云凡妊婦初入月便寫產圖一本以朱書某月某日空貼在某位如正月在丙壬可於

壬位安產婦床帳丙位藏衣之類貼產房北壁若值閏月只有節氣用之又云每月產圖有雷公招搖運鬼夕士天狗軒轅大時咸池豐隆吳時白虎大夫天猴狂虎凡此十三神並從月建易其位所謂月空者按內經云月廓空無寫王冰注云論月輪中空日也即非十二神之數今太平聖惠方以六陽月在丙壬以六陰月在甲庚正如外臺所言正月在丙壬至十二月在甲庚之類其理一也但外臺言之詳聖惠言之簡今人多從其簡或云凡逐月安產藏衣並向月德月空方位所有十三神殺並從節氣更換若交次月節便作次月用書產圖者非也假如正月十四日立春若妊婦十三日乳臥豈可作去年十二月用必依月分用之乃是若依節氣使換則天德月德所在差矣然月空與任謂之中天空頗相類議者以為天空者非十三神

之數蓋課中有天乙貴人其位無可與對者故此空是謂天空值此
 神百事不宜止宜安產婦床帳藏衣之類耳集聖曆云天德正月在
 丁二月右坤三月在壬四月在辛五月在乾六月在甲七月在癸八
 月在艮九月在丙十月在乙十一月在與十二月在天

又堪輿曆有遊年白虎殺神在太歲後一辰如太歲卯則白虎在寅
 餘倣此推之若產及藏衣犯之則子母皆不利

王子亨云難產逆生論稱犯一切神殺固有是理然亦有自然難
 產兒自逆生者及有產腸俱下者產已則復如故此非疾病所致
 氣血所主天下之理蓋有不可窮詰者亦宜知之



諱神

卷

四

安產藏衣十三神吉凶方位

藏衣	安產	運鬼	雷公	軒轅	威池	豐隆	天狗	天虎	天猿	大白
吉方	吉方	力	大時	吳時						

正月 壬丙艮寅寅卯辰辰辰午申酉戌
 二月 坤^甲乾亥卯子丑未巳酉巳戌亥
 三月 丙壬坤申辰酉戌戌午子寅亥子
 四月 甲庚巽巳巳午未丑未酉亥子丑
 五月 丙壬艮寅午卯辰辰申子申丑寅
 六月 庚甲乾亥未子丑未酉卯巳寅卯

七月 丙壬坤申申^子戌戌戌子寅卯辰
 八月 庚^艮甲巽巳酉^酉戌丑亥卯亥辰巳
 九月 丙壬艮寅戌卯辰辰子午申巳午
 十月 庚甲乾亥亥子丑未丑卯巳午未
 十一月 丙^壬坤申子酉戌戌寅午寅未申
 十二月 庚甲巽巳丑午未丑卯酉亥申酉

○推婦人行年法第六

生氣方 產婦宜向之坐臥及產帳向之開門大吉

反支月 遇此月即鋪灰上用牛皮或馬驢皮訖鋪草勿令惡血汚

地吉

禍害月 不得於其上產又不得向之二便避之大吉

絕命方 不得於其上產又不得向之大小便避之大吉

懸尸日 遇此日產不得攀繩宜懸馬轡攀之大吉

閉肚方 臨月至滿月並不得向之大小便及棄不淨之水謹之吉

八疰方 產帳不得向之開門忌之大吉

生及禍絕懸閉八疰臥宜

氣支害命尸疰疰母宜與

方月方方日方方

十三歲行年在庚申坤正七離辰戌

在正西偏北辛○在正東偏北申○黃色衣西南首○西南方黃

衣師看產

十四歲行年在巳未離二八坤兌卯酉

在正北偏西壬○在正北偏東癸○赤色衣正南首○正南方赤

衣師看產

十五歲行年在戊午坎三九乾艮丑未

在正東偏北甲○在正北偏西壬○黑色衣正北首○正北方黑

衣師看產

十六歲行年在丁巳震四艮乾丑未

在正東偏北甲○在正西偏北辛○青色衣正東首○正東方青

衣師看產

十七歲行年在丙辰艮五震艮丑未

在正東偏南巳○在正南偏南庚○黃色衣東北首○東北方黃

衣師看產

十八歲行年在乙卯乾六月坎震二月巳亥

在正南偏東丙○在正南偏西丁○白色衣西北首○西北、白

衣師看產

十九歲行年在甲寅兌正月巽離辰戌

在正南偏西丁○在正南偏東丙○白色衣正西首○正西方白

衣師看產

二十歲行年在癸丑巽二月兌坤三月

在正西偏南庚○在正東偏南乙○青色衣東南首○東南方黃

衣師看產

二十一歲行年在壬子坤三月離巽庚申

在正西偏北辛○在正東偏北甲○黃色衣西南首○西南方黃

衣師看產

二十二歲行年在辛亥離四月坤兌丑未

在正北偏西壬○在正北偏東癸○赤色衣正南首○正南方赤

衣師看產

二十三歲行年在庚戌坎五月乾艮子午

在正北偏東癸○在正北偏西壬○黑色衣正北首○正北方黑

衣師看產

二十四歲行年在己酉震六月艮乾巳亥

在正東偏北甲○在正西偏北辛○青色衣正東首○正東方青

衣師看產

二十五歲行年在戊申艮正月震坎辰戌

在正西偏南庚○在正東偏南乙○青色衣東南首○東南方黃

衣師看產

二十六歲行年在丁未坤三月離巽庚申

在正西偏北辛○在正東偏北甲○黃色衣西南首○西南方黃

衣師看產

在正東偏南乙○在正西偏南庚○黃色衣東北首○東北方黃
衣師看產

二十六歲行年在丁未乾二月二十八日坎震卯酉

在正南偏東丙○在正南偏西丁○白色衣西北首○西北方白
衣師看產

二十七歲行年在丙午兌三月二十九日巽離寅申

在正南偏西丁○在正南偏東丙○白色衣正西首○正西方白
衣師看產

二十八歲行年在乙巳巽四月十一日兌坤丑未

在正西偏南庚○在正東偏北乙○青色衣東南首○東南方青
衣師看產

二十九歲行年在甲辰坤五月十一日離巽子午

在正西偏北辛○在正東偏南甲○黃色衣西南首○西南方黃
衣師看產

三十歲行年在癸卯離六月二十日坤兌巳亥

在正北偏西壬○在正北偏東癸○赤色衣正南首○正南方赤
衣師看產

三十一歲行年在壬寅坎正月七日乾艮辰戌

在正北偏東癸○在正北偏西壬○黑色衣正北首○正北方黑
衣師看產

三十二歲行年在辛丑震二月八日艮乾卯酉

在正東偏北甲○在正西偏北辛○青色衣正東首○正東方青

衣師看產

三十三歲行年在庚子艮三月九日震坎寅申日

在正東偏南乙○在正西偏南庚○黃色衣東北首○東北方黃
衣師看產

三十四歲行年在巳亥乾四月十日坎震丑未日

在正南偏東丙○在正南偏西丁○白色衣西北首○西北方白
衣師看產

三十五歲行年在戊戌兌五月十一日巽離子午日

在正南偏西丁○在正南偏東丙○白色衣正西首○正西方白
衣師看產

三十六歲行年在丁酉巽六月十二日兌坤巳亥日

在正西偏南庚○在正東偏南乙○青色衣東南首○東南方青
衣師看產

三十七歲行年在丙申坤七月十三日離巽辰戌日

在正西偏北辛○在正東偏東甲○黃色衣西南首○西南方黃
衣師看產

三十八歲行年在乙未離八月十四日坤兌卯酉日

在正北偏西壬○在正北偏東癸○赤色衣正南首○正南方赤
衣師看產

三十九歲行年在甲午坎九月十五日乾艮寅丑日

在西北偏東癸○在正北偏西壬○黑色衣正北首○正北方黑
衣師看產

四十歲行年在癸巳震四月艮乾丑未

在正東偏北甲○在正西偏北辛○青色衣正東首○正東方青
衣師看產

四十一歲行年在壬辰艮五月震坎子午

在正東偏南乙○在正西偏南庚○黃色衣東北首○東北方黃
衣師看產

四十二歲行年在辛卯乾六月坎震巳亥

在正南偏東丙○在正南偏西丁○白色衣西北首○西北方白
衣師看產

四十三歲行年在庚寅兌正月巽離辰戌

在正南偏西丁○在正南偏東丙○白色衣正西首○正西方白
衣師看產

四十四歲行年在巳丑巽二月兌坤卯酉

在正西偏南庚○在正東偏南乙○青色衣東南首○東南方青
衣師看產

四十五歲行年在戊子坤三月離巽寅申

在正西偏北辛○在正東偏北甲○黃色衣西南首○西南方黃
衣師看產

四十六歲行年在丁亥離四月坤兌丑未

在正北偏西壬○在正北偏東癸○赤色衣正南首○正南方赤
衣師看產

四十七歲行年在丙戌坎五月乾艮子午

在正東偏南乙○在正西偏南庚○黃色衣東北首○東北方黃
衣師看產

在正北偏東癸○在正北偏西壬○黑色衣正北首○正北方黑
衣師看產

四十八歲行年在乙酉震六十艮乾巳亥

在正東偏北甲○在正西偏北辛○青色衣正東首○正西方青
衣師看產

四十九歲行年在甲申艮正七震坎辰戌

在正東偏南乙○在正西偏南庚○黃色衣東北首○東北方黃
衣師看產○坐產時更用後法

○體玄子借地法第七

東借十步

西借十步

南借十步

北借十步

上借十步

下借十步

壁方之中四十餘步安產借地或有穢汚或有東海神王或有西海
神王或有南海神王或有北海神王或有日遊將軍白虎大夫遠去
十丈軒轅招搖舉高十丈天符地軸入地十丈冷地空閑產婦某氏
安居無所妨碍無所畏忌諸神擁護百邪速去急急如律令勅前項借地
法於入月一日朱書一本貼產婦房內牆壁上更不須避忌神殺也

○禁草法第八

鋪草及匭禱訖即咒曰

鐵鐵湯湯非公所當是王一言得之銅一言得之鐵母子相生俱獲
鐵急急如律令

○禁水法第九

欲產時貯水咒曰

南無三寶水

水在河中為河水

水在井中為井水

水在器中為淨水

水在洪中為真水

自知非真莫當真水

以淨持濁

以正治邪

日遊月殺

五士將軍

青龍白虎

朱雀玄武

招搖天狗

軒轅女妓

天吞地吞

懸尸閉肚

六甲禁諱

十二神王

土符伏神

各安所在

不得動靜

不得忌干

若有動靜

若有忌干

施以神咒

當攝汝形

阿佉居阿毗羅莫多梨娑地梨娑訶

○入月預備藥物第十

愚按前所預備內佛手保氣枳殼榆皮黑神大聖葶石七散神寢保生理中三九催生黑虎二丹及催生神符又葵子生地黃菴活

竹茹烏梅雌雄石燕甘草海馬嚼鉄大棗陳皮薑錢黑豆白蜜無灰酒童子小便酸醋白米湯瓶鍋跳斷脐線剪之類可謂周恤之至矣內花蕊石散為血入胞衣脹大不能下或惡露上攻不能甦醒佛手散治血虛之危症加味芩歸湯治交骨不開單麻子治胎衣不能上下失笑散治惡露腹痛不省人事蜡油調滑石塗入產門為滑胎之藥清魂散治血暈等症平胃散朴硝水銀為腐化死胎之劑八珍湯補血氣虛損已上諸方皆為緊要之藥必不可缺其斷脐帶先用線近脐扎緊帛裹咬脐如天氣風寒或難產母子勞傷元氣者先札脐帶以油紙燃燒斷此又為廻生起死之要法也故治者當審其宜不可槩信而用之

○催生靈符第十一







靈符宜以水飛硃砂書之貼於房內北壁上至坐褥之時將符以針割就盞內化之溫水調服

治產難橫生逆產胞衣不下靈符見後

出聖惠方局方同











不安穩朱書貼產婦處北壁上
覺不安穩書貼枕上
橫生硃砂書此符以順水吞下




此四符入月一
口墨書鞋底上
密安產婦蓆蓐
下勿令人知




此三符遇產難
以墨書吞之






此四符遇胞衣
不出以朱砂書
吞下

謹按所著方論圖向符訣一帙自夫人泛視之似爲迂遠然艱於得子者恒相質問則惟此書爲要屢試有明驗也余每觀其護孕之方極爲曲當易產之藥悉有根據至於圖向之趨避吉凶所開符訣之玄微神妙顯用其誠有得於諸先哲者乎不然王太僕諸公浚於奧理者也豈謬論耶則是書也誠妊娠良方家戶之所當珍藏考究者使舍此而施治於妊婦鮮不有誤矣觀者勿以爲迂遠云

三刻太醫院補註婦人良方大全卷之十七

產難門

○產難論第一

婦人以血爲主惟氣順則血和胎安則產順今富貴之家過於安逸以致氣滯而胎不轉動或爲交合使精血聚於胞中皆致產難若腹或痛或止名曰弄胎穩婆不悟入手試水致胞破漿乾兒難轉身亦難生矣凡產直候痛極兒逼產門方可坐草時當盛暑倘或血運血溢當飲清水解之冬未春初產室用火和煖下部衣服尤當溫厚方免胎寒血結若臨月洗頭濯足亦致產難

一本無三字

愚按丹溪先生曰余族妹苦於難產遇胎則驅之予甚憫焉蓋其

形肥而勤女工形肥則氣虛久坐則氣不運而兒在胞胎固亦不能自運耳當補其母之氣則兒健易產故後有孕至五六月遂以紫蘇飲加補氣藥與之數十貼而產甚快大要在隨母之稟性若胎胞破早血水先乾或難產勞傷氣血者煎八珍湯或十全大補湯加益母草不時與服以協濟之或以黃芪數觔芎歸四五觔許大釜水煎藥氣氤氳滿室使產婦口鼻俱受其氣臍帶以油紙撚燒斷補接其陽氣穩婆須擇老練者當先施惠預說與知倘有生意不順只說是未產或是雙胎只說胎衣未下恐驚則氣散愈難生息

附治驗

荆婦孟冬分娩艱難勞傷元氣生子已死用油紙撚燒斷臍帶藉

其氣以煖之俄頃忽作聲此兒後無傷食作瀉之症可見前法之功不誣世用刀器斷臍帶子母致危者竟不知其由矣且穩婆又喜平日常施小惠得其用心兼以安慰母懷故無虞耳一穩婆云我止有一女正分娩時適當巡街待御行牌取我視其室分娩女因驚嚇未產而死後見侍御更以威頗分付追視產母胎雖順而頭偏在一邊以致難產因畏其威不敢施手由是其母子俱不能救

○紫蘇飲

方見十二卷第八論

○十全大補湯 ○八珍湯

二方見二十四卷第四論

○楊子建十產論第二

凡生產先知此十症庶免子母之命折於無辜也世之救生者少有

精良妙手多致傾命予因傷痛而備言之

一日正產

正產者言懷胎十月陰陽氣足忽然作陣疼痛胎至谷道漿破血下兒卽正產

二日傷產

傷產者言懷胎未足月有所傷動以致忽然臍腹疼痛或服催藥過早或產母努力太早逼兒錯路不能正生凡分娩須待兒身轉順頭對產門努力一送兒卽正生

三日催生

催生者言欲產時兒頭至產門方服藥催之或經日久產母困倦難生宜服藥以助其血氣令兒速生

四日凍產

凍產者言天氣寒冷產母血氣遲滯兒不能速生故衣裳宜厚產室宜煖背心亦宜溫和庶兒易生

五日熱產

熱產者言盛暑之月產婦當溫涼得宜熱甚產母則頭疼面赤昏暈若產室人衆熱氣蒸逼亦致前患名曰血暈若夏月風涼陰雨亦當謹避

六日橫產

橫產者言兒方轉身產母用力逼之故也凡產母當令安然仰臥穩婆先推兒身順直頭對產門以中指探其肩不令臍帶羈拔方用藥催之繼以產母努力兒卽生

言和如人良方
三
七曰倒產

倒產者言兒未能轉身產母努力故也當令產母仰卧穩婆推入候兒自順若良久不生令穩婆手入產戶一邊撥兒轉順近產門却服催藥并努力卽下

八曰偏產

偏產者言兒回身未順生路產母努力逼兒頭偏一邊產雖露頂非也乃額角耳當令產母仰卧穩婆輕手正其頭向產門却令產母努力子卽下若兒頂後骨偏在穀道露額令穩婆以綿衣灸煖裹首於穀道外傍輕手推正令產母努力兒卽生

九曰礙產

礙產者言兒身已順門路已正兒頭已露因兒轉身臍帶絆其肩以致不能生令產母仰卧穩婆輕推兒向上以中指按兒肩脫臍帶仍令兒身正順產母努力兒卽生

十曰坐產

坐產者言兒之欲生當從高處牢繫手巾一條令產母以手攀之輕屈坐令兒生下不可坐砥兒生路

十一曰盤腸產

趙都運恭人每臨產則子腸先出然後產子其腸不收名曰盤腸穩婆以醋水各半盞熱然喫產婦面背才收不可不知

愚按前症古方以革麻子仁四十九粒研塗產母頭頂腸收上急洗去其腸若乾以磨刀水少許溫潤之再用磁石煎湯服之卽收上磁石須陰陽家用有驗者若以水喫母面背恐驚則氣散

治盤腸產以半夏為末搐鼻中腸自上

又方大紙撚以麻油潤燈吹滅以烟薰產婦鼻中腸即上

又方腸出盛以潔淨漆器濃煎黃芪湯浸之腸即上

○催生方論第三

五行論命以年月日時支干五行相生相值以推其貴賤其間最切要者時也得其時則終身富貴失其時則一世貧賤然則命稟於有生之初豈可催乎世之催生之說蓋為產難而設也今開歷驗數方于後

○催生柞木飲子 治產難或胎爛腹中腹悶其效如神

生柞木

一尺

要嫩枝

大者五寸

左用水三鍾紙封罐口煎一鍾半候胎順產門徐徐溫服即時分

娩更無諸苦切不可早於坐草及穩婆下手催逼

○催生如神散 治逆產橫生其功甚大

百草霜

白芷

不見火各為末等分

右每服三錢至胎順產門以童便米醋和如膏加沸湯調下或童

便酒煎進二服然血得黑則止此藥大能固血又免血乾甚妙

如聖散用黃蜀葵花焙為末熱湯調下二錢若漏血胎胞乾澁難產

併進三服即產如無花用葵子末半合調溫酒服尤妙若打撲胎

死紅花酒調下

○順生丹 治症同上

兔腦髓

去皮膜

明乳香

一兩

母丁香

末二兩

射香

一錢

右以兔腦髓丸鷄頭大陰乾每服一丸溫水下男左女右手握出

鬼胎蠟月
者尤佳

又方通明乳香一塊如皂子大為末腰痛時用冷水醋少許調服扶立令兩手拿石燕二箇念醫靈藥聖三遍行數步坐草便生更無痛楚神效

愚按前法觀之似迂其用者云甚驗

○治產不順

蛇蛻一條

蠶蛻紙一張無別一方

右入新瓦瓶內搥泥固濟存性為末煎榆白皮湯下一錢三服覺痛便生

又方用伏龍肝研末每服一錢酒調下兒頭戴土而下

又方吞槐子十四粒卽下

又方當歸為末酒調一錢服良久再服

又方用魚膠一尺許新瓦上煨灰陳醋調服立下

又方犬朱砂於端午日晒起以百日為度研為細末用蝟月兔腦髓

丸綠豆大欲產時粥飲下一丸良久便生其藥男左女右手中握出晒硃砂不得着雨

又方臍月兔頭煨為末葱白煎湯調二錢立生或臍月兔血紙袋盛掛當風處陰乾為末煎乳香湯調下二錢或兔皮和毛燒為末酒調服二錢卽產如胎衣未下再服

○神妙乳砂丹用明乳香為末以猪心血丸桐子大硃砂為衣陰乾每服二丸嚼碎冷酒下良久未生再服○難產以蓮葉蒂七箇水煎化服二丸良久未生再服○胞漿先乾胎不得下急服大料四物湯滋其血氣并濃煎葱湯薰洗產戶更用油燭塗產戶內却服

前藥○胎死不出用朴硝五錢滾湯調下或平胃散一服胞衣未下酒水服一丸○橫逆不順先用如神散方見前產門不開用加味芎歸湯仍服二丸須月仍上辰日修合益塗兒足底急搔摩之產即○應急方 好墨新汲水濃磨服之墨冰畏兒出○又方清油同蜜等分入滾湯少許調服或油煎一盞服之或路傍破草鞋一隻取鼻絡小耳繩燒灰酒調服

○交骨不開產門不開方論第四 新附

竊謂交骨不開產門不開皆由元氣素弱胎前失於調攝以致血氣不能運達而然也交骨不開陰氣虛也用加味芎歸湯補中益氣湯產門不開氣血虛也用十全大補湯

附治驗

地官李孟鄉娶二十五歲女為繼室妊娠慮其難產索加味芎歸前湯四劑備用果產門不開止服一劑頃然分娩

上舍懷德之室產門不開兩日未生服前藥一劑即時而產懷德傳服此方用者無有不驗

一婦人分娩最易至四十妊娠下血甚多產門不開與前湯一劑又以無憂散勸許煎熟時飲之以助其血而產
一產婦陰門不開發熱惡寒用十全大補加五味子數劑而寒熱退又用補中益氣加五味子數劑而陰戶斂若初產腫脹或熾痛而不閉者用加味逍遙散若腫既消而不閉者用補中益氣湯切忌寒涼之劑

一婦人脾胃素弱無有肝火產後陰門腫痛寒熱作渴嘔吐不食敷

大黃等藥服驅利之劑腫及於腎虛症蜂起此真氣虛也先用六君子以固脾胃乃以補中益氣湯升舉而消

一產婦失治腫潰不已形體消瘦飲食少思朝寒暮熱自汗盜汗半年矣余用補中益氣加茯苓半夏以健脾胃膿水漸少飲食漸進用歸脾湯以解脾鬱共五十餘劑元氣復而瘡亦愈矣

一產婦陰門不閉小便淋瀝腹內一物攻動脇下或脹或痛用加味逍遙散加車前子而愈

一婦人子宮腫大二日方入損落一片殊類猪肝面黃體倦飲食無味內熱肺熱自汗盜汗用十全大補湯二十餘劑諸症悉愈仍復生育

○加味芎歸湯 治交骨不開不能生產

川芎

當歸

各一兩

白死龜板

一圓

婦人頭髮

一握燒存性

右為散每服五錢水煎服約人行五里即生如胎死亦下灼過龜板亦可

○十全大補湯 方見二十四卷第四論

○補中益氣湯 方見二十四卷第六論

○郭稽中產難方論第五

論曰產難者因兒轉身將兒枕血塊破碎與胞中敗血壅滯兒身不能便利是以難產急服勝金散消散其血使兒自易生陳無擇云多因兒未轉身坐草太早或努力太過以致胞衣破而血水乾產路澁而兒難下宜先服催生如神散以固其血設或逆生橫產當用前法針刺之

○勝金散

麝香

末一錢

豆豉

一兩

右每服一錢用秤鍾燒赤淬酒下催生如神散亦可用

○產難子死腹中方論第六

產難子死腹中多因驚動太早或觸犯禁忌其血先下胎乾涸而然也須玩產母舌若青黑其胎死矣當下之故產室坐卧須順四時方向并遵五行避忌則吉

附治驗

一穩婆之女勤苦負動妊娠腹中陰冷重墜口中甚穢余意其胎已死令視其舌青黑與朴硝半兩許服之化下穢水而安
一婦人胎死服朴硝下穢水肢體倦怠氣息奄奄用四君子爲主佐以四物薑桂調補而愈

一方水銀半兩桂末一錢作一服温酒調下粥飲亦可

又方以利斧煨赤置酒中待温飲之其子便下

又方用錫粉水銀各一錢棗肉丸大豆許下水吞下立出

又方朴硝三錢温童便調下猶太牛畜用之皆驗

又方平胃散五錢水酒各一盞煎至一盞投朴硝五錢再煎三五沸温服其胎卽化水而出寶慶方云凡欲斷臍帶先以繫物墜下後可斷之否則胞衣上卽中心而死

附方

○四君子湯

○四物湯

二方見二十四卷第六論

○產難生死訣第七

欲產之婦脉離經

難經云一呼三至曰離經此是陽和於陰一倍也一呼一至亦曰離經此是陰加於陽四倍也注云經者常也胃脈離常絡之處周卽言之一呼脈再至一吸脈再至曰脾和之脈故一呼脈行三寸一吸脈行三寸呼吸定息脈行六寸一日一夜一萬三千五百息脈行八百一十丈乃于一周後從始之經再行今一呼脈三至一吸脈三至呼吸定息脈行九寸一日一夜脈行通計一千二百一十五丈過於平脈之數不在所起之經再起故曰離經若一呼一至脈行寸半一吸一至脈行寸半呼吸定息脈行三寸一日一夜通計脈行得四百卑五丈乃謂一周是不足平脈之數周而後始亦不在所起之經再起亦曰離經也

沉細而滑也同名

臨產之婦脈見沉細而滑者乃腎臟本脈之形然腎繫胞胎見此脈者亦與離經之脈同名也

夜半覺痛應分誕來日日午定知生

若妊婦夜半時覺腹痛定知來日午時當分娩也聖惠方云夜半子時覺腹痛來日午時必定生產謂子午相半正半日觀數也

身重體熱寒又頰舌下之脈黑後青及舌上冷子當死腹中須遺子歸冥

凡妊婦身體沉重者胃氣絕也又體熱寒脈頭併者正氣衰陰氣盛也若舌捲下脈青黑色也及舌反捲上水冷不溫者子母俱死之候

面赤舌青細尋看母活子死定應難

凡妊婦面色赤是榮氣流通母活之候舌上青色是妊脈絡絕胎死之候

唇口俱青沫又出子母俱死總高判

若妊婦唇口俱青色者榮衛氣絕也又口中吐出痰沫者是脾胃之氣俱絕此是子母俱死之候也

面青舌青沫出類母死子活是知真不信若能看應驗尋之賢哲不虛陳

凡妊婦面與舌皆青色又吐痰沫者是產婦榮衛俱絕胎氣衝上之候此是子活母死之候產下子母必死也此古賢哲應驗之文不虛妄陳其說也

新產之脈緩滑吉實大絃急死來侵

凡婦人新產之後其脈來緩滑者為氣血通利調和是生活安吉之兆也若見牢大絃急之脈則凶必死之脈也

若得沉重小者吉忽若堅牢命不停

若產婦診得沉重微小者此是形虛相應故云吉兆之脈忽然診得堅硬牢實之脈是脈盛形衰相反性命不可停留必死也

寸口溢疾不調死

若產後寸口脈溢疾大小不調勻者此是血氣衰絕之脈故云死也

沉細附骨不絕生

若重手按之乃得其脈沉細附着於骨不斷絕有力者此生活之兆也

審看此候分明記長須念此向心經

凡為醫者宜詳審脈証分明記於心胸也

愚按前論與脈訣別誤所云不同觀者審之

三刻太醫院補註婦人良方大全卷之十八

產後門

產難既明須知產後疾病故以次之

○產後將護法第一

婦人產畢飲熱童便一盞閉目少坐上床倚高立膝仰臥不時喚醒
及以醋塗鼻或用醋炭及燒漆器更以手從心膈至臍下使惡露不
滯如此三日以防血量血逆酒雖行血亦不可多恐引血入四肢目
能昏暈宜頻食白粥少許一月之後宜食羊肉猪蹄少許仍慎言語
七情寒暑梳頭洗足以百日為度若氣血素弱者不計日月否則患
手足腰腿痠痛等症名曰羸勞最難治療初產時不可問是男女恐
因言語而泄氣或以愛憎而動氣皆能致病不可獨宿恐致虛驚不

可刮舌恐傷心氣不可刷齒恐致血逆須血氣平復方可治事犯時
微若秋毫成病重如山嶽可不戒哉

○產後調理法第二

產後將息如法臟腑調和庶無諸疾苦須先服黑神散四物湯四順
理中丸七寶散若壯熱頭痛此乳脉將行用玉露散頭目不清是血
暈用清魂散粥食不美是胃氣虛用四順理中丸

愚按丹溪先生云肉汁發陰經之火易成內傷之病當歸丸當歸
建中湯四順理中丸雖滋補悉犯桂附乾薑倍熱之劑臟腑無寒
何處消受若夫兒之初產母腹頓寬便啖雞子火益不思雞子難
化火益發熱展轉爲病醫者不識妄指他病率爾用藥寧不誤人
予每見產婦之無病者皆不用黑神散與雞子火益諸般肉食每

白粥調理間以些小石首魚乾淡食之至半月以後少食雞子
亦豁開煖之方能養胃却痰彼富貴之家嬌姿之婦率有白帶頭
風氣痛膈滿痰逆口乾經事不調髮脫體熱皆因失於調理所也

○產後通用方第三

愚按前方卽產後諸症各門自有方論主治故不再錄

○胞衣不出方論第四

郭稽中曰胎衣不下者因氣力疲憊不能努出或血入衣中脹大而
不能下以致心胸脹痛喘急速服奪命丹血散脹消其衣自下牛膝
散亦効

愚按前症若出而氣虛不能入用補中益氣湯或草麻子仁一兩
研塗母頭頂心卽上若胎衣不下用草麻子仁塗右腳心胎衣下

急洗之緩則胎衣仍入益母丸亦効若胎衣未下若欲斷臍帶須先以少物繫墜然後斷之

附治驗

一婦人胞衣不出胸腹脹痛手不敢近用滾酒下失笑散一劑惡露胎衣並下

一產婦胎衣不出腹作痛手按痛稍緩此氣虛而不能送出也用無憂散而下前症常詢諸穩婆云宜服益母草丸或就以產婦頭髮入口作嘔胎衣自出其胎衣不出者必死授與前法甚効

奪命丹

附子生兩

牡丹皮一兩

乾漆一錢炒

大黃末一兩

右為末醋煎大黃成膏丸桐子大溫酒吞五七丸

花蕊石散

治產後敗血不盡血迷血暈腹中胎衣不下至死心頭煖者急用一服化水即出其効如神

花蕊石一兩

上色硫黃四兩

右和勻先用紙泥封固瓦罐一箇入二藥仍封固陰乾如急用以焙籠內多乾用炭煨赤去火次日取出細研每服一錢童便熱酒

牛膝散

牛膝

川芎

朴硝

蒲黃各三兩

當歸一兩

桂心五錢

右每服五錢薑三片生地黃一錢水煎

附方

補中益氣湯

方見二十四卷第六論

失笑散

方見十六卷第五論

○無憂散

方見十六卷第三論

○益母草丸

方見十三卷第九論

又方用竈下土三四錢好醋調和納臍中續煎生甘草湯半盞或以醋湯飲之卽出

又方用草麻子仁研爛塗足心下卽洗去

又方用紅花一兩酒煮濃汁服

又方用鹿角鎊三錢爲末煮葱白湯調服

又方取產母鞋底炙熱熨小腹上下二七次

又方用浸苧水濃煮溫飲二碗立下

又方用皂角棘燒爲末每服一錢溫酒調

○產後血暈方論第五

產後血暈乃血入肝經甚至眼花昏悶用黑神散主之
下血過多用清魂散補之或以醋湯細飲或預燒秤錘以醋沃之
或醃醋塗口鼻或燒漆器薰之使產母鼻吸其氣庶無此患

愚按前症若惡露土行用失笑散血下過多芎歸湯若過勞所傷
補中益氣湯氣血虛極用清魂散大凡產後口眼喎斜等症當大
補氣血爲主而兼以治痰若脾胃虛弱用六君子湯苟於七月之
前服安胎飲至八九月間加大腹皮黃楊頭元氣虛弱八珍湯臨
產用無憂散則無前患

附治驗

一婦八月胎下墜或動而黃體倦飲食少思此脾氣虛弱用補中益
氣湯倍白朮加蘇梗三十餘劑而安產後眩暈胸滿咳嗽用四物

加茯苓半夏桔梗而愈

一姪婦因產飲酒惡露甚多患血暈口出酒氣此血得酒熱而妄行
虛而作暈也以佛手散加煨甘葛二錢一劑而痊酒性慄悍入月
及產後不宜飲恐致前症產室人眾氣熱喧嚷亦致此症

○奪命丹 治血暈腹痛沒藥血竭末等分每服二錢熱童便熱酒下

○牡丹皮散 治產後惡露悶絕

牡丹皮 芒硝 大黃蒸各一兩 冬瓜仁三七粒去皮尖

右每五錢水煎服

○清魂散 治產後氣血暴損虛火妄動血隨火上以致心神昏亂
口噤眼花甚至悶絕而甦

澤蘭葉 人參各一錢 荆芥三錢 川芎二錢

右各另為末和勻每服一二錢熱湯和酒調灌之

○當歸芍藥湯 方見十二卷第十二論

一方五靈脂末半生半炒每服二錢溫酒灌入喉即愈

一方荆芥為末童便調

一方神麴末每服二錢熱水調

一方薤菜切入瓶內注熱醋以瓶口對鼻氣入即醒

一方用紅花末五錢酒調服

一方半夏為末丸豆大入鼻中即省亦療五絕

一方赤小豆為末東流水和服錢許不瘥再服

○佛手散 治產後去血眩暈欲絕 方見十二卷第七論

又方松烟墨二錢燒赤窰滅為末溫酒調半七京墨亦可或燒漆器

取烟薰之

附方

○失笑散 方見二十卷第五論

○補中益氣湯 ○六君子湯

○安胎飲 方見十二卷第二論

○四物湯 三方見二十四卷第六論

○無憂散 方見十六卷第二論

○產後顛狂方論第六

產後顛狂乃敗血上衝用大聖澤蘭散加砂仁末三分煎酸棗仁湯調下或硃砂二錢研細以乳汁調和入紫項活地龍一條滾二三沸去之入酒再用重湯煮溫分三服

愚按前症乃血虛神不守舍非補養元氣不可仍參後各門互用

附治驗

一產婦患前症或用大澤蘭湯而愈後又怔忡妄言其痰甚多用伏苓散補其心虛頓愈又用八珍散加遠志茯苓神養其氣血而瘥一產婦亦患此用化痰安神等藥病益甚神思消燦余以為心脾血氣不足用大劑參朮芍歸茯苓神酸棗仁四劑餘而安乃以歸脾湯五十餘劑而愈

附方

○隱居澤蘭湯 方見二十卷第六論

○茯苓散 方見十九卷第三論

○八珍散 ○歸脾湯 二方見二十四卷第四論

○產後狂言謔語方論第七

產後狂言謔語乃心血虛也用硃砂末酒調下龍虎丹參朮琥珀地

黃丸亦可如驚悸歌哭顛狂等症當參十九等卷治之

愚按前症當固胃氣為主而佐以見症之藥為善若一於攻痰則誤矣

附治驗

一產婦形體甚倦時發譫語用**相子仁散**稍愈又用**加味歸脾湯**而愈又因怒仍狂言脇痛小便下血用**加味逍遙散**以清肝火養肝血頓瘥又佐以**加味歸脾湯**而安

治敗血上衝發熱狂走脉虛大者

乾荷葉

生地黄

牡丹皮 等分

右濃煎湯調生蒲黃二錢服之即止

○妙香散 治產後語言錯亂用生地黄當歸煎湯調服立効 方見六卷第八論

附方

○小柴胡湯 方見二十四卷第二論

○相子仁散 方見十九卷首論

○加味歸脾湯 方見二十四卷第四論

○產後不語方論第八

產後不語因心氣虛而不能通於舌則舌強不能言語者宜服**七珍散**當推其所因而治之可也

愚按經云大腸之脉散舌下又云脾之脉是動則病舌本強不能言又云腎之別脉上入於心繫舌本虛則不能言竊謂前症若心腎氣虛用**七珍散**腎虛風熱地黃飲大腸風熱加**味逍遙散**加防風白芷脾經風熱秦芫升麻湯肝經風熱柴胡清肝散加防風白

芷脾氣鬱結加味歸脾湯加升麻肝木太過小柴胡加釣藤鈎脾受土侮六君加升麻白芷釣藤鈎肝脾血虛用佛手散脾氣虛用四君子氣血俱虛八珍湯如不應用獨參湯更不應急加附子補其氣而生其血若竟用血藥則誤矣

附治驗

一產婦不語用七珍散而愈後復不語內熱晡熱肢體倦怠飲食不進用加味歸脾湯為主佐以七珍散而愈後因怒不語口禁腰背反張手足發搐或小便見血面色或青或黃或時兼赤余曰面青肝之本色也黃者脾氣虛也赤者心血虛也用八珍湯加釣藤鈎茯苓遠志漸愈又用加味歸脾湯而痊

○七珍散

人參

石菖蒲

生地黄

川芎

細辛

防風

辰砂別研各半兩

右為末每服一錢薄荷湯調

○胡氏孤鳳散

治產後閉目不語用生白礬末每服一錢熱水調

治產後不語

人參

石蓮肉不去心

石菖蒲等分

右每服五錢水煎

附方

○地黄飲 方見三卷第四論

○加味道遙散 ○加味歸脾湯

○八珍湯 三方見二十四卷第四論

言補婦人良方 十八卷
○秦芫升麻湯 方見三卷第一論

○清肝散 方見二十四卷第三論

○小柴胡湯 方見二十四卷第二論

○六君子湯 方見二十四卷第六論

○佛手散 方見十二卷第七論

○獨參湯 方見三卷第十三論

三刻太醫院補註婦人良方大全卷之十九

○產後乍見鬼神方論第一

產後如見鬼神或言語謬妄皆由血氣虧損陰虛發熱或瘀血停滯以致心神煩躁而然也宜以調經散治之

愚按前症若敗血停滯用調經散若血虛發熱用八珍加炮薑若心血虛損用柏子仁散大抵此証皆心脾血少所致但調補胃氣則痰清而神自安矣若果係鬼祟所附即灸鬼哭穴可愈其或不起者多因豁痰降火攻伐之過也
仍參第三卷產後諸語
語乍見鬼神方論

附治驗

一產婦患前症或用調經散愈而復作仍復前散益甚痰涎上湧朝寒暮熱余朝用八珍散夕用加味歸脾湯各五十餘劑而愈

○調經散 治血虛經閉心神煩躁渾身疼痛或時見怪

沒藥 琥珀並細研 桂心各一錢 芍藥炒 當歸各一分 細辛半錢

麝香少許

右為末每服半錢薑汁溫酒各少許調服下即愈

○栢子仁散 治產後元氣虛弱瘀血停滯狂言亂語

栢子仁 遠志 人參 桑寄生 防風 琥珀別研

當歸炒 生地黄焙 甘草炒 芎藭炒

右用白羊心一箇水三盞煑清汁七分入藥五錢煎服

附方

○八珍湯 加味歸脾湯二方見二十四卷 鬼哭穴見六卷

○產後心神驚悸方論第二

產後心神驚悸恐懼或目睛不轉口不能言乃心氣虛而六淫內侵診其脈動而弱者驚悸也動則為驚弱則為悸矣

愚按人之所王者心心之所王者血心血一虛神氣不守此驚悸所由作也當補血氣為主仍參三卷第十論

附治驗

一產婦患前症二度服琥珀地黄丸局方妙香散隨效再患服之其症益甚而脈浮大按之如無發熱惡寒此血氣俱虛余用十全大補加味歸脾二湯各百餘劑而愈後遇驚恐勞怒復作仍復前藥而安

○琥珀地黄丸 治產後惡露未盡胸腹作痛或小便不利

琥珀別研 延胡索糯米同炒 當歸各一分 蒲黃四兩 生地黄取

丁補婦人良方

十九卷

二

汁雷

生薑

各二兩研取汁雷澤生薑汁用銀石器內
炒地黃澤以地黃汁炒生薑各乾為末

右為末煉密丸如彈子大每服一丸當歸煎湯化下

治血虛驚悸少寐及產後敗血停雷少腹作痛等証

辰砂另研

琥珀

沒藥

並研

當歸

為末

等分

右為末每服二錢空心日午臨卧用白湯調下

產後驚悸亂語精神不定用好硃砂為細末酒調服錢許

附方

○局方妙香散

方見三卷第十三論

○茯苓補心湯

方見三卷第十論

○十全大補湯

○加味歸脾湯 二方見二十四卷第四論

○產後中風心驚方論第三

產後眼張口噤肢體強直腰背反偃言語錯亂如癰者此氣虛風邪所傷而成瘕也

愚按仲景先生云有汗為柔瘕用桂枝湯無汗為剛瘕用麻黃湯然產後得此血氣俱虛之敗症也不可與傷寒例看丹溪先生云產後當大補氣血為主可用十全大補湯以補元氣如不應急加附子更不應是藥力弗逮仍用參附湯多服余嘗治太虛之症參其救勦附子數枚方應

附治驗

一產婦患此不省人事言語妄甚惡風寒喜熱飲形氣倦怠脉虛浮無力余謂血氣虛寒用十全大補湯二十餘劑不應又二十餘劑稍緩乃漸加附子至一錢服數劑諸症減一二又二十餘劑十退

三四乃去附子五分数劑諸症頓退而安後又發仍服前藥加附子三五分而愈

○茯苓散 治產後心虛忪悸言語錯亂健忘少睡或自汗盜汗

人參 甘草炒 芍藥炒 當歸 生薑各八分 遠志去心

茯苓錢各一分 桂心六分 麥門冬去心五分 大棗二枚 ●右水煎服

○抱膽丸 治產後遇驚發狂或遇經行發狂

水銀二兩 黑鉛一兩伍錢 硃砂一兩細研 乳香一兩另研

右將黑鉛入銚內火鎔下水銀結成砂子下硃砂乳末乘熱用柳木槌研勻丸鷄頭子大每服一丸空心薄荷湯下得睡忽驚覺來即安妙香散亦善

附方

○妙香散 方見三卷第十三論

○十全大補湯 方見二十四卷第四論

○參附湯 方見後第六論

○產後中風恍惚方論第四

產後恍惚因元氣俱虛心經血少或外邪所侵以致心神恍惚怔忡不寧

愚按前症當大補血氣為主而佐以後方為善蓋風乃虛極之假象也固其本源諸病自退若專治風則速其危矣

附治驗

一產婦患前症盜汗自汗發熱脯熱面色黃白四肢畏冷此氣血俱虛用八珍湯不應更用十全大補加味歸脾二湯始應後因勞怒

發厥昏憤左目牽緊兩唇抽動小便自遺余為肝火熾盛用十全大補加釣藤山梔而安再用十全大補湯辰砂遠志丸而愈

○辰砂遠志丸 治產後中風驚狂起卧不安或痰涎上湧

石菖蒲

遠志

去骨蒸
甘草煮

人參

茯神

去木

辰砂

各三錢

川芎

山藥

鐵粉

麥門冬

去心

細辛

天麻

半夏

湯

南星

白附子

各一兩

右為末薑汁糊丸綠豆大別以硃砂為衣每服三十九臨卧薑湯而下

附方

○八珍湯

○十全大補湯

○加味歸脾湯

三方見二十四卷第四論

○產後虛極生風方論第五

產後生風因去血過多氣無所主以致唇青肉冷汗出目眩神昏急服濟危上丹若以風藥則悞甚矣

愚按前症若心脾血氣俱虛用十全大補湯如不應加附子釣藤釣若肝經血虛用逍遙散加釣藤經云脾之榮在唇心之液為肝若心脾二臟虛極急用參附湯救之

附治驗

一婦人患前症或用諸補劑四肢逆冷自汗泄瀉腸鳴腹痛余以陽氣虛寒用六君子薑附各加至五錢不應以參附各一兩始應良久不服仍腸鳴腹痛後灸關元穴百餘壯及服十全大補湯方効

○濟危上丹

乳香研

五靈脂

硫黃

玄精石同研

神細

阿膠

卷栢

桑寄生

陳皮等分

右將上四味入石器內微火炒再研入餘末用生地黄汁丸桐子
大每服二十九食前温酒或當歸酒下

○當歸建中湯

治產後腹痛拘急痛連腰背自汗少食

當歸

杜心各三兩

白芍藥

六兩炒

甘草

炙一兩

右每服五錢薑棗水煎入飴糖一匙服如未應加之

附方

○香附湯

方見本卷後

○十全大補湯

逍遙散

方見二十四卷第四

○八君子湯

方見二十四卷第六論

○獨參湯

治一切失血惡寒發熱作渴煩躁或口噤痰鳴自汗盜

汗或氣虛脈脫手足逆冷蓋血生于氣故血脫補氣陽生陰長之

理也

方見三卷第十四論

○產後虛寒不止方論第六

產後汗不止者皆由陽氣頻虛腠理不密而津液妄泄也若遇風則
變瘁縱虛乏短氣則身體消瘦唇口乾燥又則經水斷絕由津液竭
故也

愚按前症屬血氣俱虛急用十全大補湯如不應用參附芪附等
湯若汗多亡陽發瘁尤當用前藥王海藏先生云頭汗出至頸而
還額上偏多蓋額為六陽之所會也由虛熱薰蒸而出竊謂前症
當以部位分之額左屬肝額右屬肺鼻屬脾頤屬腎額屬心治者

審之

仍參三卷
第六論

附治驗

一產婦畧聞音響其汗如水而昏憤諸藥到口即嘔余以_心脾氣虛
改用參附末為細丸時合三五粒隨液嚥下乃漸加之_心許却
服參附湯而痊

一產婦盜汗不止遂致廢寐神思疲甚口乾引飲余謂血虛有熱用
當歸補血湯以代茶又以當歸六黃湯內黃芩連柏炒更倍加大
人參五味子二劑而愈

○麻黃根湯 治產後虛汗不止身熱發渴驚悸不安

當歸 炒 黃芪 炒 麻黃根 牡礪 服為粉 人參 甘草 炒

右每服四錢水煎

○一方 治產後自汗盜汗胃氣虛弱服別藥則嘔吐不能入

當歸 黃芪 各一兩 麻黃根 二兩

右每服三錢水煎

治產後氣脫汗不止小便短少四肢難以屈伸

甘草 炙一兩 附子 炮五錢 桂心 芍藥 炒各兩半

右每服三錢薑棗水煎服虛甚更加以效為度

止汗散 牡礪 為末半兩 小麥麩 八兩炒黃為細末

右每服三五錢用猪肉汁調

○人參湯 治產後諸虛不足發熱盜汗內熱喘熱等症

人參 當歸 等分

右為末以猪腰子一枚切片水二鍾糯米半合葱白二根煮取汁

八分入藥三錢煎服

附方

○當歸六黃湯 治氣血虛熱盜汗不止不應加人參白朮心木不足加酸棗仁炒

當歸

熟地黄

自製

黃芪

炒各二錢

生地黄

黃柏

炒

黃芩

炒

黃連

炒黑各一錢

右水煎服

○參附湯 治陽氣虛寒自汗惡寒或手足逆冷大便自利或臍腹疼痛吃逆不食或汗多發瘧等症

人參

兩

附子

炮五錢

右作一服薑棗水煎徐徐服去人參加黃芪各芪附湯

○當歸補血湯

治肌熱躁熱目赤面紅煩渴引飲晝夜不息脈洪大而虛重按全無者

當歸

三錢

黃芪

兩

右水煎服

十全大補湯

方見二十四卷第六論

○芪附湯

治陽氣虛脫惡寒自汗或口噤痰湧四肢逆冷或吐瀉腹痛飲食不入及一切虛寒等症

黃芪

兩

附子

炮五錢

右作一劑薑棗水煎服如不應倍加附子方得全濟

○產後冒悶汗出方論第七

產後忽冒悶汗出者因陰血虧損陽氣鬱暴故也急吞鷄子三枚未醒飲童便或時復發宜服竹瀝五合

醒飲童便或時復發宜服竹瀝五合

產後忽冒悶汗出者因陰血虧損陽氣鬱暴故也急吞鷄子三枚未醒飲童便或時復發宜服竹瀝五合

醒飲童便或時復發宜服竹瀝五合

醒飲童便或時復發宜服竹瀝五合

丁未年八月廿七日

一七卷

愚按前症屬大虛宜固元氣為至其汗不止必變柔瘕東垣先生云婦人分娩及半產漏下昏冒日膜蓋因血暴亡而火上熾但補其血則神自昌若常時血下當補而升舉其氣陽得血而神安則目明矣今立一方以補手足厥陰之血兼益陽氣名曰全生活血湯

○全生活血湯 治發熱自汗盜汗目眩暈四肢無力口乾頭暈行步欹側

生地黄炒 柴胡 熟地黄 當歸各一錢 川芎 藜蘆各一錢
防風 羌活 獨活 葛根 甘草炒各二錢 蔓荊子
細辛各五分 升麻 芍藥炒各三錢 紅花三
右每服五錢水煎熱服

○產後汗多變瘕方論第八

產後汗多變瘕因氣血虛損肉理不密風邪所乘其形口噤背強如癩或搖頭馬嘶不時舉發氣息如絕宜速灌小續命湯若汗出兩手拭不及者不治

愚按前症因去血過多元氣虧極或外邪相搏以致牙關緊急四肢瘕強或陰火內動或腰背反張肢體抽搐若有汗而不惡寒者曰柔瘕若無汗而惡寒者曰剛瘕由血過多筋無所養故傷寒汁下過多潰瘍膿血大泄多患之乃敗症也急以十全大補湯治之如不應急加附子多有復甦者亦有六淫七情所致者治法見第三卷第三論

附治驗

一產婦牙關緊急腰背反張四肢抽搐兩目連劄此去血過多元氣

言補如人... 十九卷
虧損陰火熾盛用十全大補加炮薑一劑而甦數劑而安

余在吳江史萬湖第時將入更聞喧攘詢云家人婦產後出立厨忽仆而死余意其勞傷血氣而發瘵也急用十全大補加附子煎滾令人正其面開其口灌之又不能下令側其面而出之換以熱藥如此五次方得下咽遂甦

○小續命湯 治剛瘵或脚氣痺弱不能轉舒行步欹側或口眼喎斜牙關緊急角弓反張

麻黃

桂心

甘草

各半兩

防風

三兩

芍藥

炒

白木

炒

人參

川芎

附子

炮

防已

酒

黃芩

炒

各等分

右每服五錢水煎入薑汁少許溫服若自汗為柔瘵去麻黃有熱去附子減桂一半盛冬初春去黃芩

○十全大補湯

方見二十四卷第四論

○產後口噤腰背反張方論第九

產後口噤由血氣虛而風邪乘於手三陽經也蓋手三陽之筋循結於頷得風冷則筋急故致口噤腰背牽急角弓反張者是風邪入於諸陽之經也

愚按前症因血氣耗損腠理不密汗出過多而患之者乃虛象也宜固氣血為主佐以本方丹溪云產後當大補氣血為先雖有他症以末治之如惡寒發熱等症乃氣血虛甚之極也宜大劑參芪歸木肉桂以培養之如不應急用炮附子再不應用人參一兩炮附子二三錢名參附湯借猶未應乃藥力未能及也宜多用之

○愈風散 治前症用荆芥略焙為末每服三錢豆淋酒下童便亦

可其效如神牙緊灌口鼻

○清順散又名交解散 方見第二卷第五論

○治婦人產後不省人事吐涎痰

當歸 荆芥穗 等分

右每服三錢水一盞酒少許煎灌下咽即甦愚按前症如有未應者急用大補氣血為主

產後中風白癰皮一兩或共獨活三兩酒水煎服

張仲文用白不四兩以酒煎頓服

○小續命湯 治產後口噤角弓反張 見前

○產後中風方論第十

產後中風或血氣未復風寒所感以致筋牽拘急口眼喎斜或肢體

緩弱入臟則恍惚驚悸郭稽中云產後強力下床或誤入房或憂怒

內傷臟腑陳無擇曰當以脈辯而治之若努力下床月內入房憂怒

着艾非中風類乃葶勞火邪之症也

愚按前症果外邪所屬形氣不足病氣有餘當補元氣為主稍佐

以治病之藥若強力下床月內入房屬形氣病氣俱不足當純補

元氣多有復甦者若誤投風藥乃促其危也仍參照第三卷諸論

主之

○治產後身背拘急妄言發熱四肢拘攣不時驚悸

川芎 羌活 羚羊角 屑 酸棗仁 炒 芍藥 炒黃各四兩

桑栢皮 六分 防風 五分 ●右水煎分三服

治產後中風唇青鼻黑用小續命湯連進三服即愈

產後中風煩渴用紅花子五合水煎徐呷之

○獨活寄生湯 治前症亦良仍與第三卷中風類通看方見後

○產後四肢筋牽方論第十一

產後中風筋脈牽急乃血氣俱虛或風邪客於皮膚則頑痺羸乏若入於筋脈則四肢牽急皆由大經空虛風寒乘虛而漸入也

愚按肝屬本而主筋前症若肝經風熱血燥用加味逍遙散如不應常用六味地黃丸以補腎水經云風客淫氣精乃亡邪傷肝也仍參第三卷諸論主之

附治驗

一產婦筋牽臂軟肌肉制動此氣血俱虛而自熱也用十全大補湯而安

一產婦手麻服愈風丹遍身皆麻神思倦怠余謂氣血虛弱用十全

大補加炮湯薑數劑漸愈去薑又數劑及逍遙散而痊治產後氣血不足風邪所表肢節牽痛背項強直

防風兩 赤芍藥炒 桂心各半 羚羊角 川芎 羌活

當歸 酸棗仁炒 牛勞子炒 各各 右每服四錢水酒煎

愚按前方如未應當用八珍湯更不應用十全大補湯

○加味逍遙散 ○十全大補湯二方見二十四卷第四論

○六味地黃丸方見二十四卷第十一論

○產後痲癢方論第十二新附

竊謂痲者筋脈拘急也癢者筋脈張縱也經云肝主筋而藏血蓋肝氣為陽為火肝血為陰為水前產因產後陰血去多陽火熾盛筋無

所養而然耳故癰疽膿水過多金瘡出血過甚則陽隨陰散亦多致此治法當用八珍散加丹皮鈞藤以生陰血則陽火自退諸症自愈如不應當用四君芎歸丹皮鈞藤以補脾土蓋血生於至陰至陰者脾土也故小兒吐瀉之後脾胃虧損亦多患之乃虛象也無風可逐無痰可消若屬陽氣脫陷者用補中益氣加姜桂陽氣虛敗者用十全大補加桂附亦有復生者此等症候若肢體惡寒脈微細者此為真狀若脈浮大發熱煩渴此為假象惟當固本為善若無力抽搐戴眼反折汗出如珠流者皆不治

附治驗

一產婦因勞兩臂不能屈服蘇合香丸肢體痿軟汗出如小余謂前藥辛香耗散真氣滕理虛而津液妄泄也先用十全大補湯加五

味子補實滕理收斂真氣汗頓止又佐以四君子調補元氣漸愈用逍遙散大補湯調理而痊

一產婦先胸脇乳內脹痛後因怒口噤吐痰臂不能伸小便自遺左三部脈弦余謂此肝經血虛而風火所致不能養筋先用加味逍遙散治之臂能屈伸又以補汗散六味丸諸症悉愈

一婦人發瘵遺尿自汗面赤或時面青飲食如故肝脈弦緊余曰此肝經血熱風熱各瘵也肝主小便其色青入心則赤法當滋陰血清肝火遂用加味逍遙散不數劑諸症悉而安

附方

○海藏愈風湯一名舉鄉百拜散 治一切失血筋脈緊急產後盜汗後抽搐

荆芥爲細末

右先以炒大豆黃卷以酒沃之去黃卷取清汁調前末三五錢和
滓飲之輕者一服重者二三服中病即止其效如神氣虛者忌服
一方用童便調下○本事方云此藥委有奇効神靈之功大抵產
室無風爲佳不可衣被帳褥太煖太煖即汗出汗出則腠理開易
於中風便昏冒一婦人產後遮太密更生壯火睡久及醒則昏昏
如醉不省人事用此藥佐以交加散服之即醒睡中必以左手搔
頭覺必醒矣良久果驗

交加散 治痰癢或頭脹不省人事口吐痰涎

當歸 荆芥穗等分

右爲細末每服二錢水一盞酒少許煎至七分灌下神効

○增補柴胡湯

治產後或經適斷致手足牽搐咬牙昏冒異症

柴胡八錢

黃芩炒四錢 人參

半夏各二錢

石膏四錢

知母二錢

黃芩炒五錢

甘草炙二錢

右爲粗末每服半兩薑五片棗四枚水煎溫服

○西君子湯

○補中益氣湯 二方見二十四卷第六論

○產後脚氣方論第十三

論曰產後脚氣因元氣內虛六淫外侵所致其狀發熱昏悶搐製驚
悸心煩嘔吐氣上用小續命湯治之若以爲敗血攻之則誤矣
愚按前症當補氣血爲主佐以小續命湯寄生湯如不應加大防
風仍參第一卷九論主之已上十一症誠似小兒慢驚風無風可
逐無痰可清但專補元氣庶保其生

附治驗

一產婦患前症或用獨活寄生湯而痊後復作服之其汗如水更加口噤吐痰余用十全大補湯培養血氣漸愈後飲食日少肌體日瘦吐痰如湧此命門火衰脾上虛寒用八味丸及加味歸脾湯諸症漸退肌肉漸生

○獨活寄生湯

治風邪內攻兩脛腫痛或緩縱痺等症

方見四卷第七

○小續命湯

方見前

○大防風湯

方見二十四卷第九論

○十全大補湯

○加味歸脾湯 二方見二十四卷第四論

○八味丸

方見十五卷第十一論

十九卷終

三刻太醫院補註婦人良方大全卷之二十

產後門

○產後遍身疼痛方論第一

產後遍身疼痛者繇氣虛百節開張血流骨節以致肢體沉重不利筋脉引急發熱頭痛宜用越痛散治之陳無擇云若兼感寒傷食宜用五積散若誤作傷寒發汗則筋脉抽搐手足厥冷則變為疰當大補氣血為主

愚按前症若以手按而痛益甚是血瘀滯也用四物炮薑紅花桃仁澤蘭補而散之若按而痛稍緩此是血虛也用四物炮薑人參白朮補而養之

附治驗

一產婦身腹作痛發熱不食煩躁不寐盜汗脇痛服解散祛血之藥不時昏憤六脉洪大如無用補中益氣加炮薑半夏一劑頓退二三四劑寢食甘美但背強而痛用八珍散大補湯調理而安

一產婦遍身頭項作痛惡寒拘急脉浮緊此風寒之症也用五積散一劑汗出而愈但倦怠發熱此邪氣去而真氣虛也用八珍湯調

○越痛散

治產後骨節疼痛發熱頭重四肢不舉

牛膝酒炒

甘草炒

薤白各一兩

當歸

桂心

白木炒

黃芪炒

獨活

生薑各半兩

●右每服半兩水煎

○五積散

方見四卷第九論

附方

○四物湯

○補中益氣湯二方見二十四卷第六論

○八珍湯

○十全大補湯二方見二十四卷第四論

○產後腰痛方論第二

腎主腰脚產後腰痛者蓋腎為胎胞所繫此因產勞傷腎氣以致風冷客之若連背脊痛久未已後近有娠必至損動

愚按前症真氣虛邪乘之者用當歸黃芪湯或十全大補為主佐以寄生湯如不應須十全大補加附子

附治驗

一產婦腰痛腹脹善噫諸藥皆嘔余以為脾虛血弱用白朮一味炒黃每劑一兩米泔煎時飲匙許四劑後漸安服百餘劑而愈

治產後風邪頭眩腰痛不可轉側四肢沉重行步艱難

獨活

川芎

芍藥炒

桂心

續斷

桑寄生

生薑各六分

當歸

防風各八分

●右水煎服

○如神湯卽生料五積散加桃仁逐敗血去風濕產後惡露不盡腰重痛或兩股痛如錐刺宜服桃仁湯若作癰用五香連翹湯

○桃仁湯 治產後惡露不盡腹中作痛或流注腿股作痛急用此湯治之如未應多變作癰須用五香連翹湯

桃仁去尖皮

生地黃

蘇木各半兩

蜜蠶去足

水蛭炒各三錢

右每服五錢薑水煎空心熱服以惡露下爲度

○五香連翹湯
木香 丁香 沉香 乳香 麝香 升麻
獨活 桑寄生 連翹 木通各二兩

存每服五錢水煎入竹瀝少許服

○當歸黃芪湯 治腰痛不可轉側或汗出壯熱氣短

黃芪炒

芍藥炒

當歸三兩

●每服四錢水煎

附方

○十全大補湯治症同前又治自汗盜汗或內熱肺熱潮熱發熱或口乾作渴喉痛舌裂或胸乳膨脹脇肋作痛或臍腹陰冷二便不調或頭頸時痛眩暈目花或心神不寧恍惚不寐或形容不充肢體作痛或鼻吸氣冷急趨氣促或因飲食勞役起居失宜或更有一切虛熱之症但服此藥補其根本諸症悉退

○獨活寄生湯

方見四卷第七論

○產後惡露不絕方論第三

方見四卷第七論

方見四卷第七論

方見二十四卷第四論

產後惡露不絕因傷經血或內有冷氣而臟腑不調故也

愚按前症若肝氣熱而不能主血用六味地黃丸若肝氣虛而不能藏血用逍遙散若脾氣虛而不能攝血用六君子湯胃氣下陷而不能統血用補中益氣湯若脾經鬱熱而血不歸源用加味歸脾湯若肝經怒火而血妄行用加味四物湯若氣血俱虛用十全大補湯若肝經風邪而血沸騰用一味防風丸

附治驗

一產婦惡露淋漓體倦面黃食少惡寒晝夜不寐驚悸汗出此脾經虛熱用加味歸脾湯而痊後因怒脇脹作嘔少食用六君加柴胡治之而痊
一方用蒲黃二兩水煎頓服
一方貫衆醋蘸炙乾為末每服二錢米飲調下

○返魂丹

一名先血母草丸

治產後惡露不絕及胎前產後諸症

益母草四五月採取陰乾

用葉及子○子名芫蕪子不許犯鐵器

為末煉蜜丸彈子大每服一丸細嚼米飲下

臨產腹痛或胎動不安或漏血當歸湯化下死胎或胎衣不出或牙關緊急或血暈血熱煩悶如見鬼神併童子小便入酒少許化下惡露腹痛或淋漓或月水不調當歸酒化下

附方

○六味丸

方見二十四卷第十一論

○加味逍遙散

○加味歸脾湯

○十全大補湯

三方見二十四卷第四論

○補中益氣湯

○六君子湯

○加味四物湯

三方見二十四卷第六論

○一味防風丸

方見十一卷第六論

○產後惡露不下方論第四

產後惡露不下因臟腑勞傷氣血虛損或風冷相搏所致

愚按前症若惡露不下用失笑散若氣滯血凝用花蓋石散若因去血過多而煩熱不止宜參第七論主治

附治驗 方藥

一產婦患前症服峻厲之劑惡露隨下久而昏憤以手護其腹余曰

此脾氣復傷作痛故用手護也以人參理中湯加肉桂二劑補之而愈

○失笑散 方見後 ○人參理中湯 方見後

○花蓋石散 方見十八卷第四論 ○返魂丹 方見前

○產後惡露上攻心痛方論第五

產後心痛為陰血虧損隨火上衝心絡名曰心胞絡痛宜大岩蜜湯治之若寒傷心經名曰真心痛朝發夕死夕發朝死無藥可救

愚按前症若陽氣虛寒用岩蜜湯溫之瘀血上衝用失笑散散之血既散而痛仍作用八珍湯補之大凡肚腹作痛以手按之却痛此血虛也須用補養之劑

附治驗

一產婦患前症昏憤口噤冷汗不止手足厥逆用六君子加附子一錢以廻其陽二劑頓甦又以十全大補湯養其血氣而安

一產婦患前症手不敢近腹用失笑散一服下瘀血而愈次日復痛亦用前藥而安

一產婦患前症用大黃等藥其血雖下復患頭痛發熱惡寒次日昏憤自以兩手堅護其腹不得診脈視其面色青白余為脾氣虛寒而痛也用六君子湯加薑桂而痛止又用八珍湯加薑桂調理而安

○大岩蜜湯 治產後陽氣虛寒心腹作痛不食嘔吐四肢厥逆

生地黄

當歸

獨活

吳茱萸

芍藥炒

乾薑炒

甘草炒

桂心

小草各一兩

細辛兩半

右每服半兩水煎

○失笑散 治產後惡血上攻心腹作痛或牙關緊急一服可愈

五靈脂

蒲黃各一錢

●用醋水煎一味五靈脂尤妙

○六君子湯 方見二十四卷第六論

○十全大補湯 二方見二十四卷第四論

○產後惡露腹痛方論第六

產後腹痛或因外感五邪內傷六淫或瘀血壅滯所致當審其因而治之愚按前症若瘀血內停用失笑散風寒外感用五積散

附治驗

一婦產後小腹痛甚牙關緊急此瘀血內停灌以失笑散下血而甦

又用四物加炮薑白朮陳皮而愈

一婦人經水來比常度過多不止遂服瀉藥止之致腹作痛此乃氣

血凝滯也用失笑散二服而愈

○隱居澤蘭湯 治產後惡露腹痛或胸滿少氣

澤蘭

生地黄

當歸

芍藥炒

生薑各一錢

甘草炒五分

大棗四箇

●右水煎服

○四物湯 方見二十四卷第六論

○五積散 方見第四卷九論

○失笑散 方見前

○產後兒枕腹痛方論第七

產後兒枕者乃母胎中宿血也或因風冷凝滯於小腹而作痛

愚按前症若宿血作痛失笑散行之既散而仍痛四神散調之若惡心作嘔此屬氣虛用六君子健其胃氣若發熱頭痛或腹痛按而不痛此屬血虛用四物炮薑參朮補其脾氣

附治驗

一產婦患前症或用驅逐之劑昏憤口噤手足發搐此血氣虛極之變症也用八珍湯加炮薑二錢四劑未應又以十全大補湯加炮薑一錢二劑而甦

一方用山查濃煎汁入砂糖少許再煎熱服

○失笑散 方見前

○四神散 方見第四卷第四論

○六君子湯

○四物湯 方見二十四卷第六論

○八珍湯

○十全大補湯 方見二十四卷第四論

○產後小腹痛方論第八

產後小腹作痛由惡露凝結或外寒相搏若久而不散必成血瘕而月水不調

愚按前症若因氣滯用延胡索散若因外寒用五積散若因怒氣用四物加木香柴胡若因血虛用四物參朮炮薑若因陽氣虛弱用四君當歸炮薑若因脾虛血弱用六君當歸炮薑治之

附治驗

一產婦患前症或作嘔或昏憤此脾氣虛寒用人參理中湯漸愈又以補中益氣湯加茯苓半夏全愈後復作痛而兼喘仍用補中益

氣湯培補脾肺而瘥

○延胡索散 治產後惡血凝滯臍下作痛或作寒熱

延胡索

桂心

各半兩

當歸

一兩

右為末每服二錢食前用熱酒調下失笑散尤効

○當歸養血丸 治產後瘀血心腹脹痛或腰脚疼痛

當歸

赤芍藥

牡丹皮

延胡索

炒各二兩

桂心

一兩

右為末煉蜜丸桐子大每服三四十九溫酒下

附方

○人參理中湯 治陽氣虛弱小腹作痛或脾胃虛弱飲食少思或

去後無度或嘔吐腹痛或飲食難化胸膈不利加附子各附子理中湯

人參

白朮

乾薑

炮

甘草

炙各等分

右每服五七錢或一兩水煎服

○五積散 方見四卷第九論

○四物湯 ○四君子湯 ○補中益氣湯 三方見二十四卷第六論

○產後寒疝腹痛方論第九

產後臍腹作痛乃冷氣乘虛也用當歸建中湯治之陳無擇云若產

當寒月人門臍下脹痛手不可近者用羊肉湯治之

愚按前症若脾胃虛弱寒邪所侵用蟠葱散若肝經濕熱小便不

利用龍膽瀉肝湯仍參前論恐有瘀血為患

附治驗

一產婦小腹作痛小便不利內熱晡熱形體倦怠余用加味道逆散

以清肝火生肝血用補中益氣湯補脾胃升陽氣而痊

○羊肉湯 治產婦脾虛寒邪所乘以致腹痛或頭眩脇臍急痛

精羊肉四兩 當歸 川芎各半 生薑一兩

右以水十盞煎至四盞分四次空心服

○蟠葱散 ○龍膽瀉肝湯 二方見二十四卷第八論

○加味逍遙散 ○補中益氣湯 二方見二十四卷第四論

○產後兩脇脹痛方論第十

產後兩脇脹痛因惡露不盡或肝經血虛或肝經氣滯當分而治之
愚按前症若肝經血瘀用玄胡索散若肝經氣滯用四君青皮柴
胡若肝經血虛用四物參朮柴胡氣血俱虛用八珍柴胡若腎水
不足不能生肝川六味丸若肺金勢盛剋制肝木用瀉白散仍參
撫前各論主之

附治驗

一產婦因怒兩脇脹痛吐血甚多發熱惡寒胸腹脹痛余以為氣血
俱虛用八珍加柴胡丹皮炮薑而血頓止又用十全大補湯而寒
熱漸退此症苟非用薑桂辛溫助脾肺以行藥勢不惟無以施其
功而反助其脹耳

○經効方 治產後肝經氣滯不平脇肋腹痛或寒熱往來內熱熱

當歸一錢五分 芍藥炒 苦梗炒 檳榔 枳殼炒各
桂心 青木香 柴胡各六分 右水煎服

○當歸散 治產後陰血虛弱或氣滯血凝以致發熱腹痛或腹脇

脹滿以當歸乾薑等分每服三錢水煎

○抵聖湯 治血滯腹痛或腹悶滿嘔吐不食 方見後卷第八論

○四君子湯

○四物湯 二方見二十四卷第六論

○八珍湯

方見二十四卷第四論

○六味丸

方見二十四卷第十一論

○瀉白散

方見五卷第二論

○玄胡索散

方見前

○產後積聚癥塊方論第十一

夫積者陰氣也五臟所生聚者陽氣也六腑所成然積為陰陰性沉伏故痛不離其部聚為陽陽性浮動故痛無常處皆繇飲食不節起居失宜產後血氣虛弱感冷所乘搏於臟腑耳

愚按前症乃真氣虧損邪氣乘之况產後得之尤當固元氣為主若求旦夕之効而攻其邪則速其危矣當參前六七論及七卷瘕

癖諸論治之

附治驗方藥

一產婦腹中似有一蟄或時作痛而轉動按之不痛而色痿黃痛則皎白脉浮而濇余謂此肝氣虛而血弱也不信乃行破血行氣痛益甚轉動無常又認以為血蟄專用破血祛逐之藥痛攻兩脇肚腹尤甚益信為驚確服下蟲等藥去血甚多形氣愈虛肢節間各結小核隱於肉裏以為蟄子畏藥而走於外余云肝臟血而養諸筋此因肝血復損筋涸而攣結耳蓋肢節胸項皆屬肝膽部分養其脾土補金水以滋肝血則筋自舒遂用八珍湯逍遙散歸脾湯加減調治而愈

一婦月經不調兩均腫脹小便澁滯腹中一塊作痛或上攻脇腹或

下攻小腹發熱嘔熱惡寒肌膚消瘦飲食無味殊類瘵症久而不愈余謂肝脾血氣虧損用八珍湯逍遙散歸脾湯隨症互服而愈

○逍遙散 ○八珍湯 ○歸脾湯 三方見二十四卷第四論

○產後血痕方論第十二

產後瘀血與氣相搏名曰瘀謂其痛而無定處此因風有風冷而成輕則不澁重則不通

愚按前症乃寒邪乘客氣血壅結此因氣病而血病也當補養胃氣調和月經寬緩靜養為善難經云任脈之病男子為疝女子為瘕聚當於前後各論治之

治血痕作痛臍下脹滿或月經不行發熱體倦

當歸八分 桂心 芍藥炒 血竭 蒲黃炒各六分

延胡索炒四分 ●右為末每服二錢空心酒調下

葛氏方治症同前用桂心為末每服一錢空心酒調下

○產後餘血奔心煩悶方論第十三

產後瘀血奔心蓋因分娩後不飲童便以致虛火上炎所致宜用後方主之

愚按前症當與前第五論同治

○金黃散 治惡熱上衝肚腹作痛或發熱作渴

延胡索 蒲黃各一錢 桂心二分 ●為末酒調服

一方用炒蒲黃每服三錢水煎服失笑散亦佳

○產後虛煩發熱方論第十四 原無論

竊謂前症乃陽隨陰散氣血俱虛若惡寒發熱煩躁作渴急用十

全大補湯若熱愈甚急加桂附若作渴而赤宜用當歸補血湯若
誤認爲火症投以涼劑禍在反掌王太僕先生云如太寒而其熱
之不熱是無火也熱來復去晝見夜伏夜發晝止不時而熱是無
火也當治其心如大熱而甚寒之不寒是無水也熱動復止倏忽
往來時動時止是無水也當助其腎故心盛則生熱腎盛則生寒
腎虛則寒動於中心虛則熱收於內又熱不勝寒是無火也寒不
勝熱是無水也治法前症無水者六味丸無火者八味丸氣血俱
虛者八珍湯與十全大補湯

附治驗

大尹俞君之內產後發熱肺熱吐血便血兼盜汗小便頻數胸脇
脹痛肚腹痞悶余曰此諸臟虛損也症當固本爲善自恃知醫用
降火之劑更加瀉利腸鳴嘔吐不食腹痛足冷始信余言診其脉
或浮洪或沉細或如無其面或青黃或赤白此虛寒假熱之狀時
雖仲夏當捨時從症先用六君子加炮薑肉桂數劑胃氣漸復諸
症漸退更佐以十全大補湯半載全愈

儒者揚敬之內人所患同前但唾痰涎或用溫補化痰之劑不應
面色黧黑兩尺浮大按之微細此因命門火虛不能生脾土脾土
不能生諸臟而爲患也用八味丸補土之母而痊

○人參當歸湯

治產後虛煩短氣煩悶

人參 當歸 麥門冬 桂心 生地黃

大棗 粳米 淡竹葉 芍藥

右水煎服

○蒲黃散 治症同上方見前兒枕病

○四物湯加茯神遠志治產後虛煩十全大補湯尤効

○六味丸 二方見二十四卷第十一論

○八珍湯 二方見二十四卷第四論

○六君子湯 方見二十四卷第六論

三刻太醫院補註婦人良方大全卷之二十一

產後門

○產後口乾痞悶方論第一

論曰產後口乾痞悶因食米麪乾飯太早脾胃不能消化熱鬱所致
慎不可下但服見現丸則愈無擇云若內積憂煩外傷燥熱宜四物
湯去地黃加人參烏梅可愈

愚按前症若宿食停滯用六君枳實神麪若因肉食所致更加山
查若因魚鱸之類再加陳皮其物既消而仍痞或反作瀉作嘔此
脾胃受傷用六君子湯或噁酸噉腐加炮薑作瀉更加升麻如不
應佐以四神丸或間用補中益氣湯

附治驗

一婦人食角黍煩渴痞悶腹痛大便欲去不去服消導等藥不應飲
食日減肌體日瘦半年矣余謂此食積為患用大酒麴炒為末温
酒調服二錢俄間腹鳴良久仍下糞而愈
一婦人食魚鮮腹痛患痢諸藥不應陳皮白木等分為末以陳皮
湯送下數服而愈

○見現丸

薑黃炒 三稜鋪炒 萹澄茄 陳皮 良薑 人參
莪茂酒炒各五分

右為末用蘿蔔汁糊丸桐子大每服三十九白湯下

產後心煩發渴宜清心蓮子飲 方見六卷首論

附方

○六君子湯 ○補中益氣湯 二方見二十四卷第六論

○四神丸 方見八卷第八論

○產後血渴方論第二

竊謂前症若出血過多虛火上炎用童子小便或四物白木麥門
丹皮若胃氣虛而有熱用竹葉歸芪湯若血虛發熱用八珍加麥
門五味若血脫發熱煩躁用當歸補血湯若胃氣虛弱用補中益
氣湯或七味白朮散

附治驗

一產婦患前症朝寒暮熱肚腹作痛以手按之不痛余以為血氣俱
虛用八珍之類治之彼反行逐血更加發熱煩躁余用當歸補血

湯熱躁漸止用八珍麥門五味氣血漸復

附方

○七味白朮散 治中氣虛弱津液短少口乾作渴或因吐瀉所致

人參 白朮炒 木香 白茯苓 甘草炒 藿香

乾葛各一錢 ●右水煎服

○竹葉歸芪湯 治胃氣虛熱口乾作渴惡冷飲食者

竹葉一錢五分 當歸一錢 黃芪二錢 白朮 人參各一錢 甘草炒五分

麥門冬去心七分 ●右水煎服

○四物湯 補中益氣湯二方見二十四卷第六論

○八珍湯方見二十四卷第四論

○當歸補血湯方見二十四卷第十一論

○產後乍寒乍熱方論第三

產後乍寒乍熱繇血氣虛損陰陽不和若陰勝則乍寒陽勝則乍熱宜用增損四物湯若因敗血不散腹內作痛宜用奪命丹後用增損四物湯隨病加減無擇云敗血流閉諸陰則寒流閉諸陽則熱用大調經散五積散

愚按前症若因陽氣不足陰氣上入於陽中而惡寒者用補中益氣湯若因陰氣不足陽氣下陷於陰中而發熱者用六味地黃丸若氣血不足而惡寒發熱者用八珍湯若病後寒熱倦怠者用補中益氣湯若肌熱大渴目赤面紅者用當歸補血湯

附治驗

一產婦惡寒發熱余以為血氣虛寒用十全大補加炮薑而寒熱愈

用補中益氣而肢體安又食後犯怒惡寒發熱抽搐咬牙面色青
中隱黃此肝木侮脾土飲食停滯用六君子加木香一劑而安
一產婦惡寒發熱余以為氣血俱虛不信反用小柴胡湯致汗出擔
語煩熱作渴肢體抽搐余用十全大補二劑益甚脉洪大重按如
無此藥力不能及乃加附子四劑稍緩數劑而安
○增損四物湯

人參 當歸 芍藥炒 川芎 乾薑炒各一兩 甘草四
右每服四錢水姜煎

○大調經散 治產後惡露未消寒熱自汗或肚腹作痛

大豆一兩炒去皮 茯神一兩 真琥珀一兩
右為末每服二錢空心濃煎烏豆紫蘇湯調下

附方

○六君子湯 ○補中益氣湯二方見二十四卷第六論

○當歸補血湯方見二十四卷第十一論

○八珍湯 ○十全大補湯二方見二十四卷第四論

○六味地黃丸方見二十四卷第十一論

○產後瘡疾方論第四

郭稽中云產後乍寒乍熱者多是敗血為害或陰陽不和若槩作瘡
疾治之誤矣陳無擇曰產後寒熱或一二日或二三日一發或先寒
後熱或先熱後寒或寒多熱少或熱多寒少或純寒純熱者皆是瘡
疾最難治療可用草菓飲生熱飲四獸飲選用之

愚按前症當與第十四卷第九論參看用藥以補胃氣為主佐以

草菓飲之類若胃氣稍充以草菓飲為主佐以補胃之劑大抵產後瘧疾因脾胃虛弱飲食停滯或外邪所感或鬱怒傷脾或暑邪所伏審係飲食用六君加桔梗蒼朮藿香如外邪多而飲食少用藿香正氣散如外邪少飲食多用人參養胃湯勞役所傷用補中益氣湯氣血虛弱用十全大補加炮薑中氣虛寒用六君加薑桂元氣脫陷急加附子蓋氣虛則寒血虛則熱胃虛則惡寒胃氣下陷則寒熱交作或吐瀉不食腹痛煩渴發熱譫語或手足逆冷寒戰如慄雖見百症但溫補脾二式病自退若誤用清脾截瘧之類多致不起

○附治驗 一產婦患瘧發熱作渴胸膈脹滿遍身作痛三日不食煎酸暖氣此直飲食所傷脾胃不能消化用六君加神曲山查四劑而不作酸乃去神曲山查又數劑而飲食進其六便不通至三十五日計進飲食七十餘碗腹脹始開令用猪膽汁導而通服

其糞且不甚燥
一產婦患瘧久不愈百病蜂起其脈或洪大或微細或弦緊或沉伏難以名狀用六君加炮薑二十餘劑脈症稍得又用參朮煎膏佐以歸脾湯百餘劑而瘧
一產婦朝寒暮熱或不時寒熱久不愈用六君子補中益氣兼服百餘劑而尋愈
●產後瘧疾心脾痛見小產

○產後勞傷方論第五 關文

愚按勞傷蓋產後虛弱元氣不復所致故寒熱食少頭目四肢腹痛若脾虛而不能生血者用六君子湯加當歸若脾肺氣虛而咳嗽口乾用補中益氣加麥門五味若因中氣虛而口乾頭暈用補中益氣加蔓荊子若肝經血虛而肢體作痛用四物參朮若因肝腎虛弱而自汗盜汗寒熱往來者用六味丸加五味子若因脾虛血弱肚腹作痛月經不調用八珍湯倍加白朮若因脾虛血燥皮膚瘙癢用加味逍遙散大抵此症多因脾胃虛弱飲食減少以致

諸經疲憊而作當補脾胃飲食一進精氣生化諸臟有所倚賴其病自愈矣仍照虛煩發熱方論主治

○增損柴胡湯 治產後虛弱寒熱如瘧食少腹脹

柴胡 人參 甘草炒 半夏炒 陳皮 川芎

白芍藥炒各等分 ●右每服五錢水薑棗煎日二服

○白茯苓散 治產後羸勞頭目四肢疼痛寒熱如瘧

白茯苓兩 當歸兩 川芎 桂心 白芍藥炒 黃芪炒

人參各半兩 熟地黄半兩 右先以水三盞入猪腎一雙薑棗各三兩煎二盞去之入煎藥半兩煎一盞服

○猪腰子粥 治產後羸勞發熱川猪腰子一枚去膜切片用鹽酒

拌先用粳米一合入葱椒煮粥搥醋和將腰子鋪碗底以熱粥蓋之如作盪生狀空心服

○黃芪建中湯 治產後諸虛不足發熱或惡寒腹痛

黃芪炒 肉桂各一兩 白芍藥炒二兩 甘草炒七錢

右每服五錢用薑棗水煎日三二服虛甚須加附子

附方 ○六君子湯 ○補中益氣湯 ○四物湯三方見二十四卷第六論

○六味丸方見二十四卷第十一論 ○八珍湯 ○加味逍遙散二方見二十四卷第四論

○產後虛羸方論第六

產寶云產後虛羸者皆繇產後虧損血氣所致須當慎起居節飲食

六淫七情調養百日庶保無疾若中年及難產者毋論日期必須調養平復方可治事否則氣血復傷虛羸之症作

愚按前症產傷氣血者用八珍湯飲食傷胃者用四君子湯停食傷脾者用六君子湯勞傷元氣者用補中益氣湯若噉氣覺有藥味者此藥復傷胃也但用四君子湯徐徐火飲以調脾胃若胃氣一健血氣自生諸症自愈矣

○黃雌雞湯 治產後虛羸腹痛

小黃雌雞一隻去頭足翅 當歸 白朮

熟地黄自製 桂心 黃芪炒各半兩

右先以水七鍾煮雞至三鍾每用汁一鍾藥四錢煎日二服

○十全大補湯 治產後氣血未復形體虛弱發熱惡寒等症方見二十

四卷第
四論

○產後風虛冷勞方論第七

產後氣血勞傷臟腑虛弱若風冷乘之血氣愈虛形氣羸損風冷入臟令人無子謂之風虛冷勞也

愚按前症若血氣虛弱用八珍湯血氣虛寒用十全大補湯胃氣虛弱用補中益氣湯脾氣虛弱用六君子湯命門火衰用八味丸肝脾血虛用加味逍遙散肝脾鬱怒用加味歸脾湯

○產寶方治產後虛羸不生肌肉

黃芪炒 當歸 芍藥炒 人參各三錢 桂心 甘草炒

川芎 生薑各四錢 大棗十一枚 右水煎分三服

又方猪腎一雙煮入葱豉作臠如常食之

○產後腹脹嘔吐方論第八

產後腹脹滿悶嘔吐者因敗血散於脾胃不能運化而致宜用抵聖湯治之

愚按前症若敗血散於腸胃宜用前方若飲食停於脾胃宜用六君子湯大凡損其脾胃者當節其飲食

一產婦患前症或用抵當湯敗血已下前症益甚小腹重墜似欲去後余謂此脾氣虛而下陷用補中益氣湯加炮薑溫補脾氣重墜如失又用六君子湯而安

○抵聖湯

赤芍藥 半夏 澤蘭葉 人參 陳皮 甘草

右用生薑焙乾半兩水煎

愚按前方最宜用之

附方

○六君子湯

○產後嘔逆不食方論第九

經云胃為水穀之海以養臟腑因產後胃氣虛弱飲食所傷必致嘔逆故不食也

愚按前症若因飲食過時用四君子湯飲食過多用六君子湯飲食過時而兼勞役用補中益氣湯若因飲食停滯用人參養胃湯脾胃氣虛用六君子湯胃氣虛寒加炮薑木香寒水侮土用益黃散肝木侮脾土用六君子湯升麻柴胡命門火衰不能生土用八味丸嘔

吐泄瀉手足俱冷或肚腹作痛乃陽氣虛寒急用附子理中湯多有生者

附治驗

一產婦朝吐痰夜發熱晝夜無寐或用清痰降火肌體日瘦飲食日少前症愈甚余曰早間吐痰脾氣虛也夜間發熱肝血虛也晝夜無寐脾血耗也遂用六君子湯加味逍遙散加味歸脾湯以次調補而痊

○開胃散 治產後胃虛嘔吐胸滿不食
附子肉兩半 人參兩 甘草兩炒半 ●每服五錢薑水煎

○治產後胃虛嘔逆

橘紅兩 半夏兩 甘草兩炒各半 藿香兩 ●每服五錢薑水煎

○治產嘔逆不食 白朮五錢 薑六錢 水煎徐徐溫服

○石蓮散 治產後胃寒咳逆吐不食或腹作脹

石蓮肉兩半 白茯苓兩 丁香錢五

右為末服二錢不拘時用薑湯或米飲調下日三服

附方

○錢氏益黃散 治脾土虛寒水反來侮以致嘔吐不食或肚腹作痛或大便不實手足逆冷等症

陳皮兩 青皮兩 呵子肉兩 甘草錢 丁香錢二

右為粗末每服四錢水煎服

○人參養胃湯 治外感風寒內傷飲食寒熱頭疼或作瘧疾

半夏兩 厚朴兩 橘紅兩 藿香葉兩 草菓兩 茯苓兩

人參五分 甘草分 蒼朮錢一 ●右薑七片烏梅一箇水煎服

○四君子湯 ○補中益氣湯 二方見二十四卷第六論

○八味丸 方見二十四卷第十一論 ○附子理中湯 方見二十卷第八論

○加味逍遙散 二方見二十四卷第四論 ○加味歸脾湯 二方見二十四卷第四論

○產後霍亂方論第十

產後霍亂因臟腑虛損飲食不消觸冒風冷所致若熱而飲水者五苓散寒而不飲水者理中丸虛冷者加附子來復丹尤妙

愚按此症當與後卷第十一論互相主治

附治驗

一產婦停食霍亂用藿香正氣散之類已愈後胸腹膨脹飲食稍過即嘔吐或作泄瀉余謂此脾胃俱虛用六君子湯加木香治之漸愈後因飲食失調兼悲怒患霍亂胸腹大痛手足逆冷用附子散又用八味丸以補土母而康設泥痛無補法而用辛散或用平補

之劑必致不起

一產婦吐瀉噯酸面目浮腫此脾氣虛寒先用六君加炮薑為王佐

以越鞠丸而噯酸愈又用補中益氣加茯苓半夏而脾胃康

○白朮散 治脾胃傷吐瀉腹痛煩渴手足逆冷或大便不實

白朮 橘紅 麥門冬去心 人參 乾薑炮各一兩 甘草半兩

右每服四錢薑水煎

○附子散 治脾胃虛寒吐瀉腹痛手足逆冷或自汗口噤

附子炮 白朮炒 當歸 吳茱萸 丁香 橘紅

甘草炮各半兩

右為末每服二錢粥飲調若脾胃虛用參苓白朮散

附方

○藿香正氣散 治外感風寒內停飲食頭疼寒熱或霍亂泄瀉或作瘧疾

藿香一錢五分 桔梗炒 大腹皮 紫蘇 茯苓 白芷

半夏麩 陳皮 白朮炒 厚朴製各一錢 甘草各五分

右薑棗水煎熱服

○五苓散

白朮炒 猪苓各一錢 桂三分 澤瀉二錢五分 茯苓一錢

右水煎服

○理中丸 治脾胃虛寒嘔吐泄瀉飲食少思肚腹膨脹

人參 白朮炒 乾薑炮 甘草各一錢

右為末米糊丸彈子大每服一九嚼細白湯下

○來復丹 治伏暑泄瀉身熱脈弱其効如神槍卒間須用此藥

硝石一兩同硃黃火上微炒用 太陰玄精石研

舶上硫黃各一兩 五靈脂去砂 青皮 陳皮各二兩

右為末醋糊丸小豆大每服三十九空心米飲下

易簡方云硝石性寒佐以陳皮其性疎快硫黃性寒味澁若作煖

藥以止瀉誤矣蓋繇啖食生冷或冒暑熱之氣中脘閉結揮霍變

亂非此藥不能通利三焦分理陰陽其功甚速

○六君子湯 方見二十四卷第六論

○八味丸 方見二十四卷第十一論

婦人良方卷之二十一 終

三刻太醫院補註婦人良方大全卷之二十二

產後門

○產後寒熱方論第一

產後發熱頭痛身疼雖如傷寒時氣雖當用麻黃亦不可輕易如卑
起勞動爲寒所傷則淅淅惡寒翁_匕發熱頭項戶背骨節皆痛至七
八日乃差若大便堅作嘔不能食用小柴胡湯加生薑地黃主之
愚按病機要云治胎產之病從厥陰經論之無犯胃氣及上中二
焦爲之三禁不可汗不可下不可利小便發汗者同傷寒下之早
證利大便則脈數而已動於脾利小便則內亡津液胃中枯燥製
藥之法能不犯三禁則榮衛自和而寒熱止矣

○人參當歸散 治去血過多內熱短氣頭痛悶亂骨節作痛或虛
煩咽燥

人參 當歸 生地黃 桂心 白芍藥 麥門冬 去心各一兩
右粳米一合竹葉十片水二鐘煎一鍾去之入藥五錢棗二枚煎
服虛甚用熟地黃

○小柴胡湯 治傷風四肢煩熱頭疼若頭不疼而作煩二物黃芩
湯 方見二十四卷第二論

○二物黃芩湯

黃芩 兩半 苦參 兩一 生地黃 兩二 ●右每服四錢水煎

○增損柴胡湯 治虛弱寒熱少食腹脹等症 方見勞瘵

○竹葉防風湯 治產後傷風發熱面赤氣喘頭痛

淡竹葉 半把 防風 人參 桂枝 苦梗

甘草 各半兩 葛根 一兩半

右每服五錢薑棗水煎汗出項強加附子嘔加半夏

治惡露不盡書則明了暮則譫語寒熱如見鬼此熱入血室用柴胡
地黃湯或四物加柴胡 方見六卷第十五論

○產後頭痛方論第二

夫頭者諸陽之會也產後胃氣虛弱飲食少思陽氣微弱不能上升
故頭痛若因敗血黑龍丹言之甚詳

愚按前症若中氣虛用補中益氣湯加蔓荊子若血虛用四物加
參木血氣俱虛用八珍湯若因風寒所傷用補中益氣湯加川芎

附治驗

產婦患頭痛日用補中益氣湯不缺已三年矣稍勞則惡寒內熱
為陽氣虛以前湯加附子一錢數劑不發

婦人產後頭痛面青二年矣日服四物等藥余謂腎水不能生肝
木而血虛用六味丸加五味子兩月而痊

○芎附散 治氣虛頭痛用大附子一枚去皮臍切四片拌醋一
碗炙附蘼盡同川芎一兩為末每服二錢清茶調服

治血虛頭疼當歸川芎每服五錢水煎
產後頭痛都梁丸亦可治 方見四卷第六論

附方

○補中益氣湯 ○四物湯 二方見二十四卷第六論

○八珍湯 方見二十四卷第四論

○六味丸 方見二十四卷第十一論

○產後咳嗽方論第三

夫肺主于氣產後肺氣虛故外邪感而咳嗽所由作也若食鹽醢之
類而致者難治若因麪積滯而致者服黑神散五積散可愈

愚按前症若陰血虛四物湯加參朮陳皮桔梗肺氣虛四君加芎
歸桔梗陰火上炎六味地黃丸加參朮風寒所感補中益氣湯加
桔梗紫蘇若瘀血入肺發喘兼口鼻起黑或鼻出血急用二味參
蘇飲亦有得生者然而所患悉因胃氣不足蓋胃為五臟之根本
胃氣一虛五臟失所百病生焉經云肺屬辛金生于巳土脾土既
虛不能生金則腠理不密外邪易感矣治當壯土金生腎水以制
火為善

附治驗

一產婦朝吐痰夜發熱無寐泥用清痰降火之藥肌體日瘦飲食日少余曰早間吐痰脾氣虛也夜間發熱肝血虛也晝夜無寐脾無耗也遂用六君子湯加味逍遙散加味歸脾湯以次調補不月而全

一產婦咳嗽見風則喘急惡寒頭痛自汗口禁痰盛余為脾肺氣虛糜理不密用補中益氣加肉桂數劑而安

一產婦咳嗽聲重鼻塞流涕此風寒所感余用參蘇飲一鍾頓愈與補中益氣加桔梗茯苓半夏一劑將痊又與六君黃芪以實糜理全愈

一產婦咳嗽痰盛面赤口乾內熱肺熱微作無時此陰火上炎余用補中益氣湯六味地黃丸而愈

一產婦咳而服蒲不食涕唾面腫氣逆此病在胃而關于肺用異功散而愈

○知母散 治惡露上攻咳嗽不已

知母 貝母 白茯苓 人參 各半兩 桃仁

治風寒咳嗽

甘草 桔梗 各六分 款冬花 四分 麥門冬 生地黃 各一分

○旋覆花湯 治咳嗽最良 方見下有汗者去麻黃

附方

○異功散 治脾胃虛弱飲食少思或久患咳嗽或腹滿不食面浮

氣逆等症

人參

白朮炒

甘草炒

茯苓

陳皮各一錢

用薑棗水煎

○六君子湯

○四物湯

○四君子湯

○補中益氣湯

四方見二十四卷第六論

○六味丸

方見二十四卷第十一論

○二味參蘇飲

方見後

○參蘇飲

方見六卷第十一論

○產後喉中氣急喘促方論第四

產後喉中氣急喘促因榮血暴竭衛氣無主獨聚于肺名曰孤陽最為難治若因敗血停凝服奪命丹若因榮血暴絕服芎藭湯若因風

寒所傷服旋覆花湯若因氣鬱結服小調經散若因傷飲食服見丸現

愚按前症若脾肺氣虛弱用六君枯梗若兼外邪更加紫蘇若中

氣虛寒用補中益氣加炮薑肉桂若陽氣虛脫更加附子若瘀血

入肺急用二味參蘇飲

附治驗

一產婦喘促自汗手足俱冷常以手護臍腹此陽氣虛脫用參附湯

四劑而愈

○二味參蘇飲

治產後血入於肺面黑發喘欲死者

人參

兩

蘇木

二兩 用水煎頓服

○旋覆花湯

治傷風寒暑濕喘嗽太盛坐臥不寧

旋覆花

赤芍藥

前胡

半夏麩

荆芥穗

甘草 茯苓 五味子 杏仁 麻黃各等分

右每服四錢薑棗水煎有汗者莫服

○五味子湯 治產後喘促脉伏而厥

五味子炒 人參 杏仁各二錢 麥門冬去心 陳皮各一錢

右薑三片棗二枚水煎服

○芎藭湯方見後

附方

○六君子湯 二方見二十四卷第六論

○參附湯方見十八卷第六論

○產後口鼻黑鼻衄方論第五

產後口鼻起黑氣及鼻衄者蓋陽明經脉之海起於鼻交頰中還出

髮

頰口交人中左之右右之左此產後氣虛榮血散亂胃絕脉敗之症也急取緋線一條并產婦頂心髮兩條緊繫中指節更無藥可療

愚按胃脉頰口繞承漿蓋鼻準屬脾土鼻孔屬肺金誠胃虛肺損氣脫血死之症急用二味參蘇飲加附子五錢亦有得生者方見前

○產後咳噫方論第六

夫肺主於氣而稟於胃蓋產後脾胃傷損風冷所搏故咳噫也急灸期門三壯必愈此穴乃胃之大絡穴見六卷第十五論

愚按前症屬胃氣虛寒之惡候如用後方未應急投參附湯亦有復生者方見十八卷第六論

○丁香散 治心煩咳噫

丁香 白荳蔻各半兩 伏龍肝一兩

可補壽人集方

二十七卷

六

右爲末煎桃仁吳茱萸湯每服一錢調下

○羌活散 治咳逆

羌活

附子

炮

茴香

各半兩

木香

白薑

炮各一錢

右爲末每服二錢水一盞塩一捻煎服

一方用桂心五錢薑汁三合水煎服

○產後血崩方論第七

產後血崩因經脉未復而勞傷或食酸鹹之味若小腹蒲痛肝經已傷最爲難治急服固經丸主之

愚按前症若血滯小腹脹滿用失笑散血少小腹虛痞芩窮湯肝火血妄行加味道遙散脾鬱不統血加味歸脾湯脾氣虛不攝血補中益氣湯厚味積熱傷血消胃散加槐花風熱相搏傷血四君

子防風枳殼

附治驗

一產婦血崩小腹脹痛用破氣行血之劑其崩如湧四肢不收惡寒嘔吐大便頻瀉余用六君炮黑薑四劑稍愈又十全大補三十餘劑而痊

一產婦血崩因怒其血如湧什地口禁目斜手足抽搐此肝經血耗生風余用六味丸料一劑諸症悉退但食少補熱佐以四君柴胡牡丹皮而愈

○固經丸

艾葉

赤石脂

煨

補骨脂

煨

木賊

各半兩

附子

一錢

右爲末飯丸桐子大每服二十九溫酒或米飲下

○芎藭湯

芎藭

當歸

芍藥各等分

●右每服五錢水煎

附方

○失笑散

方見二十四卷第五論

○十全大補湯

○加味道遙散

○加味歸脾湯

三方見二十四卷第四論

○補中益氣湯

○六君子湯

○四君子湯

方見二十四卷第六論

○清胃散

方見二十四卷首論

○六味丸

方見二十四卷第十一論

○產後月水不調方論第八

產後月水不調由血氣虛損風邪所客邪正相搏以致經候失期或

多或少而不得其平也

愚按前症或過期而作痛者氣血俱虛也八珍加柴胡丹皮不及期而來血熱也四物山梔柴胡將來而作痛血實也四物加桃仁紅花過期而來者血虛也四物加參朮紫黑成塊者血熱也四物加炒梔炒連丹皮作痛而色淡者痰多也四物合二陳治當

附治驗

臨症制方

一產婦月經不調內熱燥渴服寒涼之劑其血如崩腹脹寒熱作嘔少食用六君子二十餘劑諸病悉愈以加味道遙散調理而安

○琥珀散

治經脉不調飲食少思日漸消瘦

琥珀

牛膝

生地黄

當歸

桃仁

赤芍藥

各半兩

●右每服五錢水煎服

附方

○八珍湯

○加味道遙散

二方見二十四卷第四論

○四物湯

○六君子湯

二方見二十四卷第六論

○二陳湯

方見二十四卷第五論

○產後月水不通方論第九

產後乳子周歲而經不行是其常也若半歲而經行此血有餘也若一二歲不行而無疾不必服藥若肢體倦怠食少內熱是血少也宜健脾胃若以藥通之則誤矣

愚按前症脾胃虛弱用六君子湯若兼鬱火傷脾用歸脾湯加丹皮山梔若怒火傷血宜用四物合小柴胡氣血俱虛用八珍牡丹皮仍參前論主之

附治驗方藥

一產婦月經年餘不通內熱晡熱服分氣丸經行不止惡寒作渴食少倦怠胃滿氣壅朝用加味道遙散夕用四君子湯月許諸症稍愈佐以八珍湯兼服兩月而愈

○六君子湯

○四物湯

○四君子湯

三方見二十四卷第六論

○歸脾湯

○加味道遙散

○八珍湯

三方見二十四卷第四論

○小柴胡湯

方見二十四卷第二論

○產後四肢浮腫方論第十

產後四肢浮腫者乃敗血乘虛流注宜用小調經散陳無擇云若風邪所乘於氣分皮膚腫而浮虛乃氣也若皮膚腫如熟李乃水也蓋氣腫者宜發汗水腫者宜利小便

愚按前症若寒水侮土傷損脾肺若氣虛浮腫宜益脾胃若水氣浮腫宜補中氣當參第一卷水分血分主治

附治驗

一產婦飲食少思服消導之劑四肢浮腫余謂中氣不足朝用補中益氣湯夕用六君子湯而愈後因怒腹脹誤服沉香化氣丸吐瀉不止飲食不進小便不利肚腹四肢浮腫用金匱加減腎氣丸愈而一產婦泄瀉四肢面目浮腫喘促惡寒余謂脾肺虛寒用六君加薑桂而泄瀉愈又補中益氣而脾胃健

○小調經散

沒藥 琥珀 桂心 芍藥 當歸
右為末每服半錢薑汁溫酒調

大調經散最治腫滿喘急煩渴小便不利

方見二十一卷第二論

○漢防已散 治水腫

漢防已 猪苓 枳殼 桑白皮 商陸

甘草 右每服四錢水煎

治血虛氣腫水腫

澤蘭葉 防已 等分

右為末每服二錢溫酒調下醋湯亦可

○金匱加減腎氣丸 治脾腎虛寒腰重脚腫濕飲留積小便不利

或肚腹腫脹四肢浮腫氣喘痰甚或已成水症其効如神

白茯苓 附子 肉桂 川牛膝 澤瀉
車前子 山茱萸 山藥 牡丹皮

熟地黄 四兩 焙碎 酒拌 膏

右為末和地黄膏煉蜜丸桐子大每服七八十九空心米飲下

附方

○補中益氣湯 ○六君子湯 二方見二十四卷第六論

○產後腹痛瀉利方論第十一

產後腹痛瀉利因腸胃虛怯寒邪乘襲或水穀不化洞泄腸鳴手足逆冷用補中湯治之陳無擇云若六淫七情而致者當因所感而愚按前症若胃脘飽脹或惡食吞酸此飲食停滯用六君子枳實山查以消導若食既消而仍痛更或頭痛熱渴惡寒欲嘔此中氣被傷用補中益氣半夏茯苓以健脾胃

附治驗

一產婦腹痛發熱惡食余以為飲食傷脾彼反服破血之劑加寒熱頭痛嘔吐涎沫用化痰理氣四肢逆冷泄瀉下墜余用六君子加炮薑肉桂木香再用補中益氣湯而愈

一產婦腹痛後重去痢無度形體倦怠飲食不甘唇腫盜汗竟夜不寐此脾經虛熱之症用當歸六黃湯內黃芩連栢炒黑一劑汗止乃用歸脾八珍兼服而愈

○調中湯

良姜 當歸 桂心 芍藥 附子 炮 川芎 各一兩

甘草 炒五錢 ●右每服三錢水煎服

附方

○六君子湯 ○補中益氣湯 二方見二十四卷第六論

丁補歸人良方

三十二卷

十一

○當歸六黃丸

方見十九卷第六論

○歸脾湯

○八珍湯

二方見二十四卷第四論

○產後赤白痢方論第十二

產後痢疾因飲食六淫七情傷于脾胃或血滲大腸皆為難治若飲食不進謂之虛痢氣字不順謂之氣痢治法熱則涼之冷則溫之冷熱相搏則溫涼調之滑者澀之虛者補之水穀不分者分利之性情執滯者和順之未有不安者也

愚按前症白濁氣分而赤屬血分也若米食所傷用六君加穀蘗若麪食所傷用六君加麥蘗若肉食所傷用六君加山查神麩凡兼嘔吐俱加藿香若兼嘔酸或嘔吐用前藥送越鞠丸若肝木尅脾土用六君加柴胡炮薑若寒水反來侮土用錢氏益黃散若久

瀉或元氣下陷兼補中益氣湯以升發陽氣若瀉痢色黃乃脾土真氣空加木香肉荳蔻若屬脾土虛寒用六君加木香薑桂若脾腎虛寒用補中益氣及四神丸若屬命門火衰而脾土虛寒用八味丸以補土母若小便瀉滯肢體漸腫或兼喘咳用金匱順氣丸以補脾腎利水道若胃氣虛弱而四肢浮腫須補胃為主若久而不愈是腎氣虧損也必用四神六味八味三藥以補足三陰若用分利導水之劑是虛其虛也

一產婦泄痢腹痛年餘形體骨立內熱晡熱自汗盜汗口舌糜爛日吐痰三碗許脈洪大重按全無此命門火衰脾土虛寒而不能攝痰歸源用八味丸補火以生土用補中益氣湯兼補肺金而痊
一產婦食雞子腹中作痛面色青黃服平胃二陳更下痢腹脹用流

氣飲子又小腹一塊不時上攻飲食愈少此脾胃虛寒肝木尅侮
所致用補中益氣加木香吳茱萸漸愈又用八珍大補兼服調理愈
○五味子散 治產後泄瀉或腎泄在侵晨五更作瀉飲食不進或
大便不實不時去後為丸尤効

五味子炒三 吳茱萸炒五 ●右為末每服二錢白湯調

○四神丸 治脾胃虛弱大便不實飲食不思

○二神丸 ○六君子湯三方見八卷第八論

○補中益氣湯方見二十四卷第八論

○香連丸方見八卷第八論

○六味丸 ○八味丸二方見二十四卷第十一論

○金匱腎氣丸方見前 ○八珍湯方見二十四卷第四論 二十二卷終

